

四庫全書

經部

欽定四庫全書

禮書綱目卷六十二

婺源江永撰

政事上

通禮十一

補

洪範九疇次三曰農用八政

八政曰農所以厚生也

三八政一曰

食二曰貨三曰祀四曰司空五曰司徒六曰司寇七曰

賓八曰師

食者民之所急貨者民之所資故食為首而貨次之食貨所以養生也祭祀所以報本也

司空掌上所以安其居也司徒掌教所以成其性也司寇掌禁所以治其姦也賓者禮諸侯遠人所以往來交

際也帥者除殘禁暴也兵非聖人之得已故居末也

洪範

司徒齊八政以防淫

八政飲食衣服事為異別度量數制

飲食為上衣服次之事為百工技藝

也異別五方用器不同也度丈尺也量斗斛也數百十也制布帛幅廣狹也

王制

乃立天官

冢宰使帥其屬而掌邦治以佐王均邦國

掌主也邦治王所以治邦

國也佐猶助也鄭司農云邦治謂總六官之職也故太宰職曰掌建邦之六典以佐王治邦國六官皆總屬於

冢宰故論語曰君薨百官總已以聽於冢宰言冢宰宰於百官無所不主爾雅曰冢大也冢宰大宰也

大宰

之職掌建邦之六典以佐王治邦國一曰治典以經邦

國以治官府以紀萬民二曰教典以安邦國以教官府

以擾萬民三曰禮典以和邦國以統百官以諧萬民四

曰政典以平邦國以正百官以均萬民五曰刑典以詰

邦國以刑百官以糾萬民六曰事典以富邦國以任百

官以生萬民

大曰邦小曰國邦之所居亦曰國典常也經也法也王謂之禮經常所秉以治天下

也邦國官府謂之禮法常所守以為法式也常者其上
下通名擾猶馴也統猶令也詰猶禁也書曰度作詳刑
以詰四方任猶傳也生猶養也鄭司農云治典冢宰之
職故立其官曰使帥其屬而掌邦治以佐王均邦國教
典司徒之職故立其官曰使帥其屬而掌邦教以佐王
安擾邦國禮典宗伯之職故立其官曰使帥其屬而掌
邦禮以佐王和邦國政典司馬之職故立其官曰使帥
其屬而掌邦政以佐王平邦國刑典司寇之職故立其

官曰使帥其屬而掌邦禁以佐王刑邦國此三時皆有官惟冬無官又無司空以三隅反之則事典司空之職也司空之篇亡小宰職曰冬官其屬六十掌邦事以八法治官府一曰官屬以

舉邦治二曰官職以辨邦治三曰官聯以會官治四曰

官常以聽官治五曰官成以經邦治六曰官法以正邦

治七曰官刑以糾邦治八曰官計以弊邦治

注見職官下篇以

八則治都鄙一曰祭祀以馭其神二曰法則以馭其官

三曰廢置以馭其吏四曰祿位以馭其士五曰賦貢以

馭其用六曰禮俗以馭其民七曰刑賞以馭其威八曰

田役以馭其衆

注見封建

正月之吉始和布治于邦國都鄙

乃縣治象之法于象魏使萬民觀治象挾日而斂之

注見

周月

乃施典于邦國

詳見職官下

施則于都鄙

詳見職官下

施灋于

官府

詳見職官上

凡治以典待邦國之治以則待都鄙之治

以法待官府之治以官成待萬民之治以禮待賓客之

治

成八成禮賓禮也

凡邦之小治則冢宰聽之

大事決於王小事冢宰專平

天官

小宰掌邦之六典八法八則之貳以逆邦國都鄙

官府之治

逆迎受之鄭司農云貳副也

同上

司會掌邦之六典八法

八則之貳以逆邦國都鄙官府之治

逆受而鉤考之同上

司

書掌邦之六典八法八則九職九正九事

注見財賦篇同上

大史掌建邦之六典以逆邦國之治掌法以逆官府之

治掌則以逆都鄙之治

典則亦法也逆迎也六典八法八則冢宰所建以治百官大史

又建焉以為王迎受其治也大史日官也春秋傳曰天子有日官諸侯有日御日官居卿以底日禮也日御不失日以授百官于朝居猶處也言建六典以處六卿之職凡辨法者考焉不信者刑

謂邦國都鄙官府以法爭訟來正之者

春官

內史執國法及國令之貳

以考政事以逆會計

國法六典八法八則同上

御史掌邦國都

鄙及萬民之治令以贊冢宰

王所以治之令冢宰掌王治

凡治者受

法令焉

為書寫其治之法令來受則授之同上

匡人掌達法則匡邦國

法則八法八則也邦國之官府都鄙亦用焉夏官

大行人十有一歲修法則

法八法也則八則也周官

凡為天下國家有九經曰脩身也尊

賢也親親也敬大臣也體羣臣也子庶民也來百工也

柔遠人也懷諸侯也

經常也體謂設以身處其地而察其心也子如父母之愛其子也柔

遠人所謂無忘賓旅者也此列九經之目也呂氏曰天下國家之本在身故脩身為九經之本然必親師取友然後修身之道進故尊賢次之道之所進莫先其家故親親次之由家以及朝廷故敬大臣體羣臣次之由朝

廷以及其國故子庶民來百工次之由其國以及天下
故柔遠人懷諸侯次之此九經之序也視羣臣猶吾四
體視百姓猶吾子此視
臣視民之別也 中庸

右總要 聖人南面而聽天下所宜先者五民不

與焉

宜先言未
遺餘事

一曰治親二曰報功三曰舉賢四

曰使能五曰存愛

功功臣也存察
也察有仁愛也

五者一得於天

下民無不足無不贍者五者一物紕繆民莫得其

死

物猶事也紕繆猶錯也五事得則民
足一事失則民不得其死明政之難

聖人南面

而治天下必自人道始矣

人道謂此五
事

孔子侍

坐於哀公哀公曰敢問人道誰為大孔子對曰人

道政為大公曰敢問何謂為政孔子對曰政者正

也君為政則百姓從政矣君之所為百姓之所從

也君所不為百姓何從

言君當務於政

公曰敢問為政如

之何孔子對曰夫婦別父子親君臣嚴三者正則

庶物從之矣

庶物猶衆事也

公曰寡人雖無似也願聞所

以行三言之道可得聞乎

無似猶言不肖

孔子對曰古之

為政愛人為大所以治愛人禮為大所以治禮敬

為大敬之至矣大昏為大大昏至矣大昏既至冕
而親迎親之也親之也者親之也是故君子興敬
為親舍敬是遺親也弗愛不親弗敬不正愛與敬
其政之本與大昏國君取禮也至矣言至大也興敬為親言相敬則親孔子遂
言曰昔三代明王之政必敬其妻子也有道妻也
者親之主也敢不敬與子也者親之後也敢不敬
與君子無不敬也敬身為大身也者親之枝也敢
不敬與不能敬其身是傷其親傷其親是傷其本傷

其本枝從而亡三者百姓之象也身以及身子以

及子妃以及妃君行此三者則愾乎天下矣大王

之道也如此則國家順矣

愾猶至也大王居幽為狄所伐乃曰土地所以養人

也君子不以其所養害所養乃去之岐是言百姓之身猶吾身也百姓之妻子猶吾妻子也不忍以土地之故而害之去

公曰敢問何謂敬身孔子對

曰君子過言則民作辭過動則民作則君子言不

過辭動不過則百姓不命而敬恭如是則能敬其

身能敬其身則能成其親矣

則法也民者化若者也君之言雖過民猶

稱其辭君之行雖過民猶以為法

公曰敢問何謂成親孔子對曰

君子也者人之成名也百姓歸之名謂之君子之

子是使其親為君子也是為成其親之名也已孔

子遂言曰古之為政愛人為大不能愛人不能有

其身不能有其身不能安土不能安土不能樂天

不能樂天不能成其身

有猶保也不能保身者言人將害之也不能安土動

移失業也不能樂天不知已過而怨天也

公曰敢問何謂成身孔子對

曰不過乎物

物猶事也

仁人不過乎物孝子不過乎物

是故仁人之事親也如事天事天如事親是故孝

子成身

物猶事也事親事天孝敬同也孝經曰事父孝故事天明舉無過事以孝事親是所

以成身

哀公問

衛文公大布之衣大帛之冠

大布粗布大帛

厚繒蓋用諸

侯諒闇之服務財訓農通商惠工

加惠於百姓當其利器用

敬

教勸學授方任能

方百事之宜也

元年草車三十乘季年

乃三百乘

草車兵車季年在僖二十五年蓋招懷逃散故能致十倍之衆閔二年左傳

晉文公屬百官賦職任功

屬會也賦授也授職事任有功也

棄

責薄斂施舍分寡

棄責除宿責也施施德也舍舍禁也分寡分少財也

救乏

振滯匡困資無

救乏救乏絕也振拯也拯淹滯之士匡正也正困窮之人資無子無

財者輕關易道通商寬農

輕關輕其稅也易道除盜賊也通商利商旅也寬農

寬其政不奪其時

茂穡勸分省用足財

茂穡勉稼穡也勸分勸有分無也省

用減國用也足時備凶年也

利器明德以厚民性

利器利器用也明德明德

教也厚民性厚其情性

舉善授能官方定物

方常也物事也立其常官以定

百正名育類

正名正上下服位之名育長也類善也

昭舊族

昭明也舊族舊

臣有功者之族愛親戚明賢良

明顯也

尊貴寵

國之貴臣尊寵之

賞

功勞事耆老禮賓旅

旅客也

友故舊

故舊為公子時也

胥籍

狐箕藥卻伯先羊舌董韓實掌近官

十一族晉之舊姓近官朝

廷諸姬之良掌其中官

諸姬同姓也中官內官也

異姓之能掌

其遠官

遠官縣鄙也

公食貢大夫食邑士食田

受公田也

庶

人食力

各食其力

工商食官

工百工商官賈也周禮府藏皆有賈人以知物賈食

官官

阜隸食職

士臣阜阜臣興興臣隸食職各以其職大小食祿也

官宰食

口官宰家臣也加大夫之家田

政平民阜財用不

賈

阜安也國語晉語

趙宣子為國政

宣趙盾諡

制事典

典常也

正法罪

輕重當

辟刑獄

辟猶理也

董逋逃

董督也

由質要

由用

也質要券契也

治舊滂

治理滂穢

本秩禮

貴賤不失其本

續常職

脩廢官

出滯淹

拔賢能也

既成以授大傅陽子與大師賈佗使

行諸晉國以為常法

文六年左氏傳

晉悼公即位於朝

始命百官

始為政

施舍已責

施恩惠舍勞役止通責

逮鰥寡

惠及

微

振廢滯

起舊德

匡乏困救災患

匡亦救也

禁淫慝薄賦

斂宥罪戾

宥寬也

節器用

節省也

時用民

使民以時

欲無犯

時

不縱私欲

舉不失職官不易方

官守其業無相踰易

爵不踰德

量德授爵

師不陵正旅不偪師

正軍將命卿也師二千五百人之帥也旅五百

人之帥也言上下有禮不相陵偪

民無謗言所以復霸也

成十八年左傳

子產為政使都鄙有章

國都及邊鄙車服尊卑各有分部

上下

有服

公卿大夫服不相踰

田有封洫

封疆也洫溝也

廬井有伍

廬舍也九

夫為井使五家相保

大人之忠儉者

謂卿大夫

從而與之汰侈者

因而斃之

因其有罪而斃蹈之

從政一年與人誦之曰取我

衣冠而褚之

褚畜也奢役者畏法故畜藏

取我田疇而伍之孰

殺子產吾其與之

並畔為疇

及三年又誦之曰我有子

弟子產誨之我有田疇子產殖之

殖生也

子產而死

誰其嗣之

嗣續也傳言鄭所以興襄三十年左傳

孔子初仕為中

都宰制為養生送死之節長幼異食強弱異任男

女別塗路無拾遺器不雕偽為四寸之棺五寸之

槨因丘陵為墳不封不樹行之一年而四方諸侯

則焉定公謂孔子曰學子此法以治魯國何如孔

子對曰雖天下可也何但魯國而已哉

家語

大宰以八統詔王馭萬民一曰親親二曰敬故三曰進

賢四曰使能五曰保庸六曰尊貴七曰達吏八曰禮賓

統所以合率以等物也親親若堯親九族也敬故不慢
舊也晏平仲久而設之賢有善行也能多才藝者保庸
安有功者尊貴尊天下之貴者孟子曰天下之達尊者
三曰爵也德也齒也祭義曰先王之所以治天下者五
貴有德貴貴貴老敬長慈幼達吏察舉勤勞之
小吏也禮賓賓客諸侯所以示民親仁善鄰 以九職

任萬民一曰三農生九穀二曰園圃毓草木三曰虞衡

作山澤之材四曰藪牧養蕃鳥獸五曰百工飭化八材

六曰商賈阜通貨賄七曰嬪婦化治絲枲八曰臣妾聚

斂疏材九曰閒民無常職轉移執事

任猶俾也鄭司農云三農平地山澤

也九穀黍稷秬秠麻大小豆大小麥八材珠曰切象曰
琤玉曰琢石曰磨木曰刻金曰鏤草曰剝羽曰析閒民

謂無事業者轉移為人執事若今傭賃也立謂三農原
隙及平地九穀無秣大麥而有梁瓜樹果菰曰圃園其
樊也虞衡掌山澤之官主山澤之民者澤無水曰藪牧
牧田在遠郊皆畜牧之地行曰商處曰賈阜盛也金玉
曰貨布帛曰賄嬪婦人之美稱也堯典曰釐降二女嬪
于虞臣妾男女貧賤之稱晉惠公卜懷公之生曰將生
一男一女男為人臣女為人妾生而名其男曰圉女曰
妾及懷公質於秦妾為宦女焉疏材百草根實可食者
疏不熟曰饅以九兩繫邦國之民一曰牧以地得民二曰長

以貴得民三曰師以賢得民四曰儒以道得民五曰宗

以族得民六曰主以利得民七曰吏以治得民八曰友

以任得民九曰藪以富得民

兩猶耦也所以協耦萬民
繫聯綴也牧州長也九州

各有封域以居民也長謂侯也一邦之貴民所仰也師諸侯師氏有德行以教民者儒諸侯保氏有六藝以教民者宗繼別為大宗收族者鄭司農云主謂公卿大夫世世食采不絕民稅薄利之立謂利讀如上思利民之利謂以政教利之吏小吏在鄉邑者友謂同井相合耦耨作者孟子曰鄉田同井出入相交守望相助疾病相扶持則百姓親睦藪亦有虞掌其政令為之厲禁使其地之民守其材物以時入于王府頒其餘於萬民富謂藪中材物

天官

大司徒以保息六養萬民一曰慈幼二曰

養老三曰振窮四曰恤貧五曰寬疾六曰安富

保息謂安之使

蕃息也慈幼謂愛幼少也產子三人與之母二人與之餼十四以下不從征養老七十養於鄉五十異糧之屬振窮拊捄天民之窮者也窮者有四曰矜曰寡曰孤曰獨恤貧貧無財業稟貸之寬疾若今癰不可事不算卒

可事者半之也安富
平其繇役不專取

以本俗六安萬民一曰蠲宮室二

曰族墳墓三曰聯兄弟四曰聯師儒五曰聯朋友六曰

同衣服

本猶舊也蠲善也謂約核攻堅風雨攸除各有攸字族猶類也同宗者生相近死相迫聯猶合

也兄弟昏姻嫁娶也師儒鄉里教以道藝者同師曰朋同志曰友同猶齊也民雖有富者衣服不得獨異頒

職事十有二于邦國都鄙使以登萬民一曰稼穡二曰

樹藝三曰作材四曰阜蕃五曰飭材六曰通財七曰化

材八曰斂材九曰生材十曰學藝十有一曰世事十有

二曰服事

鄭司農云稼穡謂三農生九穀也樹藝謂園圃毓草木作材謂虞衡作山澤之材阜蕃謂

藪牧養蕃鳥獸飭材謂百工飭化八材通財謂商賈阜
通貨賄化材謂嬪婦化治絲枲斂材謂臣妾聚斂疏材
生材謂閒民無常職轉移執事學藝謂學道藝世事謂
以世事教能則民不失職服事謂為公家服事者立謂
生材養竹木

者地官

土均掌平土地之政以均地守以均地

事以均地貢

政讀為征所平之稅邦國都鄙也地守虞衡之屬地事農圃之職地貢諸侯之九貢

以和邦國都鄙之政令刑禁與其施舍禮俗喪紀祭祀
皆以地媾惡為輕重之法而行之掌其禁令

施讀為弛也禮俗邦國都

鄙民之所行先王舊禮也君子行禮不求變俗隨其土地厚薄為之制豐省之節耳禮器曰禮也者合於天時設於地財順於鬼神合於人心理於萬物同上

右通言民政

禹曰德惟善政政在養民水火金

木土穀惟脩正德利用厚生惟和九功惟叙九叙

惟歌戒之用休董之用威勸之以九歌俾勿壞

德非

徒善而已惟當有以善其政政非徒法而已在乎
有以養其民下文六府三事即養民之政也水火
金木土穀惟脩者水克火火克金金克木木克土
而生五穀或相制以洩其過或相助以補其不足
而六者無不脩矣正德者父慈子孝兄友弟恭夫
義婦聽所以正民之德也利用者工作什器商通
貨財之類所以利民之用厚生者衣帛食肉不飢
不寒之類皆所以厚民之生也六者既脩民生始
遂不可以逸居而無教故為之惇典敷教以正其
德通功易事以利其用制節謹度以厚其生使皆

當其理而無所乖則無不和矣九功合六與三也
叙者言九者各順其理而不汨陳以亂其常也歌
者以九功之叙而詠之歌也言九者既已脩和各
由其理民享其利莫不歌詠而樂其生也然始勤
終怠者人情之常恐安養既久怠心必生則已成
之功不能必其久而不廢故當有以激勵之如下
文所云也董督也威古文作畏其勤於是者則戒
喻而休美之其怠於是者則督責而懲戒之然又
以事之出於勉強者不能久故復即其前日歌詠
之言協之律呂播之聲音用之鄉人用之邦國以
勸相之使其歡欣鼓舞趨事赴功不能自己而前
日之成功得以久存而不壞此周禮所謂九德之
歌九韶之舞而太史公所謂佚能思初安能
惟始沐浴膏澤而歌詠勤苦者也 大禹謨

大司徒以土宜之灋辨十有二土之名物以相民宅而

知其利害以阜人民以蕃鳥獸以毓草木以任土事

十一

土分野十二邦上繫十二次各有所宜也相占視也阜猶盛也蕃蕃息也育生也任謂任地所生因民所能

地官

司空掌邦土居四民時地利

冬官卿主國空土以居民士農工商四人

使順天時分地利授之土能吐生百穀故曰土周官

司空執度度地

司空冬官卿掌

邦事者度丈尺也

居民山川沮澤時四時

觀寒煖燥濕沮謂萊沛

量地遠

近

制邑井之處

興事任力

事謂築邑廬宿市也

凡居民材必因天地寒

煖燥濕

使其材藝堪地氣也

廣谷大川異制

謂其形象

民生其間者異

俗

謂其所好惡

剛柔輕重遲速異齊

謂其情性緩急

五味異和

謂香臭與

鹹

器械異制

謂作務之用

衣服異宜

謂遠衷與締綌

脩其教不易其

俗齊其政不易其宜

教謂禮義政謂刑禁王制

凡居民量地以

制邑度地以居民地邑民居必參相得也

得猶足也

無曠土

無游民食節事時民咸安其居樂事勸功尊君親上然

後興學

立小學大學同上

右居民 昔聖王之處民也擇瘠土而處之

磽确為瘠

勞其民而用之故長王天下

瘠土利薄又勞而用之使不淫逸不淫逸

則向義故長王天下也

夫民勞則思思則善心生

民勞於事則思儉約

故善心生逸則淫淫則忘善忘善則惡心生沃土之民

不材淫也

沃肥善也不材器能少也

瘠土之民莫不嚮義勞也

善心生故嚮義也

聖王所以順山者不使居川不

使渚者居中原而弗敝也

小洲曰渚廣平曰原山者利其禽獸渚者利其

魚鹽中原利其五穀使各居其所安不易其利勞敝之也民失其業則窮窮則濫

禮運管

仲曰昔者聖王之治天下也參其國而伍其鄙

參三

也國郊以內也伍五也鄙郊以外也謂三分國都以為三軍五分其鄙以為五屬聖王謂若湯武也

定民之居成民之事

謂使四民各居其職所也若工就官府農就田野所以成

其事也

陵為之終

以為葬也

而慎用其六柄焉

柄本也六柄生殺貧

富貴賤也

桓公曰成民之事若何對曰四民者勿使雜

處

四民謂士農工商

雜處則其言詭其事易

詭亂貌易變易也

公

曰處士農工商若何對曰昔聖王之處士也使就

閒燕

士講學道藝者閒燕猶清淨也

處工就官府處商就市井處

農就田野今夫士羣萃而州處

萃集也處聚也

閒燕則父

與父言義子與子言孝其事君者言敬其幼者言

悌少而習焉其心安焉不見異物而遷焉

物事也遷移也

是故其父兄之教不肅而成

肅疾也

其子弟之學不

勞而能夫是故士之子恒為士今夫工羣萃而州

處審其四時

言四時各有其宜也謂死生凝釋之時也

辨其功苦

辨別也功

牢也苦脆也

權節其用

權平也視其平沈之均也節節其大小輕重也

論比協

材

論擇也比比其善惡也協和也和其剛柔也

旦莫從事施於四方

施其

物用於四方也

以飭其子弟

飭教也

相語以事相示以巧相

陳以功

陳亦示也功成功也功善則有賞

少而習焉其心安焉不

見異物而遷焉是故其父兄之教不肅而成其子

弟之學不勞而能夫是故工之子恒為工今夫商

羣萃而州處察其四時

四時所用者預資之也

而監其鄉之

資

監視也資財也視其貴賤有無

以知其市之賈負任擔荷

背曰負

曰擔任抱也荷揭也

服牛輅馬

服謂牛服車也輅馬車也詩云皖彼牽牛不以服箱以

周四方

周徧也

以其所有易其所無市賤鬻貴

市取也鬻

也旦莫從事於此以飭其子弟相語以利相示以

賴

賴贏也

相陳以知賈

賈知物價相與陳說

少而習焉其心安

焉不見異物而遷焉是故其父兄之教不肅而成

其子弟之學不勞而能夫是故商之子恒為商今

夫農羣萃而州處察其四時

四時樹藝各有宜也

權節其用

耒耜枷艾

權平也平節其器用小大倨句之宜也枷拂也所以擊草也艾大鎌所以芟草

也

及寒擊草除田

寒謂季冬大寒之時也草枯也

以待時耕

時耕

謂立春之後

及耕深耕而疾耨之以待時雨

疾速也耨摩平也時

雨至當種之也

時雨既至挾其槍刈耨耨

在挾曰挾槍耨也刈鎌也耨鉞

鎌也耨鉞也

以旦莫從事於田野脫衣就功首戴茅蒲

身衣襍襖

脫解也茅蒲蓋笠也襍襖蓑蓆衣也茅或作萌竹萌之皮所以為笠也

霑

體塗足

霑濡也

暴其髮膚盡其四支之敏

敏猶材也

以從

事於田野少而習焉其心安焉不見異物而遷焉
是故其父兄之教不肅而成其子弟之學不勞而
能是故農之子恒為農野處而不暱

暱近也

其秀民

之能為士者必足賴也

秀民民之秀出者也賴恃也

有司見而

不以告其罪五

有司掌民之官也罪在五刑也

有司已於事而竣

已畢也竣退伏也

桓公曰定民之居若何對曰制國以為

二十一鄉

唐尚書曰四民之所居也昭謂國國都城郭之域也惟士工商而已農不在焉

桓公曰善管子於是制國以為二十一鄉

二千家為一鄉

二十一鄉凡四萬二千家

此管仲所制非周法也

工商之鄉六

工商各三也二者不

從戎

士鄉十五

唐尚書云士與農共十五鄉昭謂此士軍士也十五鄉合三萬人是

為三軍農野處而不曠不在都邑之數則下所云伍鄙是也

公帥五鄉焉

五鄉萬人

是謂中軍

國子帥五鄉焉

國子高子皆齊

上卿各帥五鄉為左右軍也

參國起按以為三官

參三也按界也分國事以

為三

臣立三宰

三宰三卿也使掌羣臣也

工立三族

族屬也晉趙盾為旄

車之族上言工商之鄉六則各三也

市立三鄉

市商也商處市井故曰市

澤立三

虞

周禮有澤虞之官虞度也掌度知川澤之大小及所生育者

山立三衡

周禮有山

虞林衡之官衡平也掌平其政也

桓公曰伍鄙若何

管子上言參其國而伍其

鄙內政既備故復問伍鄙之事

管子對曰制鄙三十家為邑邑有

司

制野鄙之政也此以下與郊內之制異也

十邑為卒卒有卒帥十卒

為鄉鄉有鄉帥三鄉為縣縣有縣帥十縣為屬屬

有大夫五屬故立五大夫各使治一屬焉

五屬四十五萬

家也

立五正

正長也

各使聽一屬焉是故正之政聽屬

正五正也聽大夫之治也

牧政聽縣

牧五屬大夫也聽縣帥之治

下政聽鄉

下政縣帥也聽鄉帥之治也

桓公曰各保治爾所無或淫怠而

不聽治者

國語齊語

司民掌登萬民之數自生齒以上皆書于版辨其國中

與其都鄙及其郊野異其男女歲登下其死生

登上也男八月

女七月而生齒板今戶籍也下猶去也每歲更著生去死

及三年大比以萬民之數

詔司寇司寇及孟冬祀司民之日獻其數于王王拜受

之登于天府內史司會冢宰貳之以贊王治

鄭司農云文昌宮三

能屬軒轅角相與為體近文昌為司命次司祿次司民玄謂司民軒轅角也天府主祖廟之藏者贊佐也三官

以貳佐王治者當以民多
少黜陟主民之吏

秋官

小司寇及大比登民數有

生齒以上登于天府

大比三年大數民之衆寡也人生齒而體備男八月而生齒女七月

而生

內史司會冢宰貳之以制國用

人數定而九賦可知國用乃可制耳

孟冬祀司民獻民數於王王拜受之以圖國用而進退

之

司民星名謂軒轅角也小司寇於祀司民而獻民數於王重民也進退猶損益也國用民衆則益民寡則

損同上

天府若祭天之司民司祿而獻民數穀數則受

而藏之

注見吉禮天神

右民數

受計之禮主所親拜者二聞生民之數

則拜之聞登穀則拜之

賈誼新書

宣王既喪南國之

師

喪亡也敗於姜戎氏時所亡也南國江漢之間也詩曰滔滔江漢南國之紀

乃料民

于大原

料數也大原地名

仲山甫諫曰民不可料也夫古

者不料民而知其少多司民協孤終

司民掌登萬民之數自生

齒以上皆書於版協合也無父曰孤終死也合其名籍以登于王也

司商協名姓

司商

掌賜族受姓之官商金聲清謂人始生吹律合之定其姓名

司徒協旅

司徒掌合師旅

之衆也

司寇協姦

司寇刑官掌合姦民以知死刑之數

牧協職

周禮牧人掌牧

養犧牲合其物色之數

工協革

工百工之官革更也更制度者合其數也

場協入

場人掌場圃委積
珍物斂而藏之也

廩協出

廩人掌九穀
出用之數也

是則少多

死生出入往來者皆可知也於是乎又審之以事

事謂因藉田與蒐
狩以簡知其數也

王治農於藉

藉藉於千
畝田也

按於農

隙

春田曰按按擇也禽獸懷妊未著按而
取之也農隙仲春既耕之後隙間也

耨穫亦

於藉

言王亦至於
藉考課之

獮於既蒸

秋田曰獮獮殺也順
時始殺也烝升也月

令孟秋乃升穀天子
嘗新既升謂仲秋也

狩於畢時

冬田曰狩圍守而
取之畢時時務之

也是皆習民數者也又何料焉

習簡
習也

不謂其少而

大料之是示少而惡事也

言王不謂其衆少而大
料數之是示以寡少又

厭惡政事不能修之意也

臨政示少諸侯避之

示天下寡弱諸侯將避遠王室

不親附也

治民惡事無以賦令

言厭惡政事無以賦令也

且無故而

料民天之所惡也

故事也天道清淨也

害於政而妨於後嗣

害政戕為政之道也妨後嗣謂將有禍亂也

王卒料之及幽王乃廢滅

國語

趙簡子使尹鐸為晉陽

尹鐸簡子家臣也晉陽趙氏邑為治

也

請曰以為繭絲乎抑為保障乎

繭絲賦稅保障蔽扞也小城曰

保禮記曰遇入保者

簡子曰保障哉尹鐸損其戶數

損其戶則民優

而我少

晉語

大司徒令五家為比使之相保五比為閭使之相受四

閭為族使之相葬五族為黨使之相救五黨為州使之

相賙五州為鄉使之相賓

此所以勸民者也使之者皆謂立其長而教令使之保猶

任也救救凶災也賓賓客其賢者故書受為授杜子春云當為受謂民移徙所到則受之所去則出之又云賙當為糾謂糾其惡玄謂受者宅舍有故相受寄託也賙者謂禮物不備相給足也閭二十五家族百家黨五百家州二千五百家鄉萬二千五百家

地官

小司徒之職掌建邦之教法

以稽國中及四郊都鄙之夫家九比之數以辨其貴賤老幼廢疾凡征役之施舍與其祭祀飲食喪紀之禁令

稽猶考也夫家猶言男女也鄭司農云九比謂九夫為井玄謂九比者冢宰職出九賦者之人數也貴謂為卿大夫賤謂占會販賣者廢疾謂瘡疾也施當為弛乃頒比法於六鄉之大夫使

各登其夫家衆寡六畜車輦辨其物以歲時入其數以

施政教行徵令

登成也成猶定也衆寡民之多少物家中之財歲時入其數若今四時言事

及三年則大比大比則受邦國之比要

大比謂使天下更簡閱民數及

其財物也受邦國之比要則亦受鄉遂矣鄭司農云五家為比故以比為名今時八月案比是也要謂其簿

歲終則考其屬官之治成而誅賞

治成治事之計

令羣吏正要

會而致事正歲則帥其屬而觀教象之法徇以木鐸曰

不用法者國有常刑令羣吏憲禁令修法糾職以待邦

治

憲表縣之

及大比六鄉四郊之吏平教治正政事考夫屋

及其衆寡六畜兵器以待政令

四郊之吏吏在四郊之內主民事者夫三為屋

屋三為井出地貢者三三相任

鄉師之職各掌其所治鄉之教而聽

其治

聽謂平察之

以國比之法以時稽其夫家衆寡辨其老幼

貴賤廢疾馬牛之物辨其可任者與其施舍者掌其戒令

糾禁聽其獄訟歲終則考六鄉之治以詔廢置正歲稽

其鄉器比其吉凶二服間共祭器族共喪器黨共射器

州共賓器鄉共吉凶禮樂之器

吉服祭服也凶服弔服也此長主集為之祭器

者簋簠鼎俎之屬閭胥主集為之喪器者夷樂素俎楬豆軋軸之屬族師主集為之此三者民所以相共也射器者弓矢楅中之屬黨正主集為之為州長或時射於此黨也賓器者尊俎笙瑟之屬州長主集為之為鄉大夫或時賓賢能於此州也吉器若閭祭器者也凶器若族夜器者也禮樂之器若州黨賓射之器者鄉大夫備集此四者為州黨族閭有故而不共也此鄉器者旁使相共則民無廢事上下相補則禮行而教成若國大比則考察辭稽器展事以詔誅賞

考察視賢能以知道藝與不察

辭視吏言事知其情實否展猶整具

鄉大夫之職各掌其鄉之政教禁

令正月之吉

謂建子之十一月也

受教法於司徒退而頒之於其

鄉吏使各以教其所治

詳見學校

以歲時登其夫家之衆寡

辨其可任者

詳見禮田役篇

歲終則令六鄉之吏皆會政致事

會計也致事言其歲盡文書

正歲令羣吏考法於司徒以退各憲之

於其所治

州長各掌其州之教治政令之法凡州之

大祭祀大喪皆蒞其事

大祭祀謂州社稷大喪鄉老大夫於是卒者蒞臨也

歲終

則會其州之政令三年大比則大考州里以贊鄉大夫

廢興

廢興所廢退所興進也

黨正各掌其黨之政令教治凡其

黨之祭祀喪紀昏冠飲酒教其禮事掌其禁戒

其黨之民

歲

終則會其黨政帥其吏而致事以歲時涖校比

涖臨也鄭司農

云校比族師職所謂以時屬民而校登其族之夫家衆寡辨其貴賤老幼廢疾可任者及其六畜車輦如今小

案比及大比亦如之

族師各掌其族之戒令政事

邦政

之以以邦比之法帥四閭之吏以時屬民而校登其族之

夫家衆寡辨其貴賤老幼廢疾可任者及其六畜車輦

五家為比十家為聯五人為伍十人為聯四閭為族八

閭為聯使之相保相受刑罰慶賞相及相共以受邦以

役國事以相葬埋

相共猶相救相調

歲終則會政致事閭胥

各掌其閭之徵令以歲時各數其閭之衆寡辨其施舍

比長各掌其比之治五家相受相和親有臯奇衰相

及

衰猶惡也

徙於國中及郊則從而授之

徙謂不使其居也或國中之民出徙

郊或郊民入徙國中皆從而付所處之吏明無罪惡

若徙於他則為之旌節而行

之

徙於他謂出居異鄉也授之者有節乃達

若無授無節則唯圜土內之

鄉中

無授出鄉無節過所則呵問繫之圜土考辟之也圜土獄城也獄必圜者規主仁以仁心求其情古之治獄閭

於出

閭師掌國中及四郊之人民六畜之數

詳財賦篇

縣師掌邦國都鄙稍甸郊里之地域而辨其夫家人民

田萊之數及其六畜車輦之稽三年大比則以考羣吏

而以詔廢置

郊里郊所居也自邦國以及四郊之內是所主數周天下也萊休不耕者郊內謂之

易郊外謂之

萊善言近

遂人掌邦之野

郊外曰野此野謂甸稍縣都

以土地

之圖經田野造縣鄙形體之法五家為鄰五鄰為里四

里為鄴五鄴為鄙五鄙為縣五縣為遂皆有地域溝樹

之使各掌其政令刑禁以歲時稽其人民而授之田野

簡其兵器教之稼穡

經形體皆謂制分界也鄰里鄙鄴縣遂猶郊內比閭族黨州鄉也鄭

司農云田野之居其比伍之名與國中異制故五家為鄰立謂異其名者示相變耳遂之軍法追胥起徒役如

六鄉

凡治野以下劑致𪔐以田里安𪔐以樂昏擾𪔐以土

宜教𪔐稼穡以興勑利𪔐以時器勸𪔐以彊予任𪔐以

土均平政

慶民言𪔐異外內也𪔐猶懣懣無知貌也致猶會也民雖受上田中田下田及會之以下

劑為率謂可任者家二人樂昏勸其昏姻如媒氏會男女也擾順也時器鑄作耒耜錢錡之屬彊予謂民有餘力復予之田若餘夫然政讀為征土均掌均平其稅鄭大夫讀耜為藉杜子春讀耜為助謂起民人令相佐助

以歲時登其夫家之衆寡及其六畜車輦辨其老幼廢

疾與其施舍者以頒職作事以令貢賦以令師田以起

政役

職謂民九職也分其農牧衛虞之職使民為其事也載師職云以物地事授地職互言矣貢九貢也

賦九賦也政役出士徒役

遂師各掌其遂之政令戒禁以時登其

夫家之衆寡六畜車輦辨其施舍與其可任者經牧其

田野辨其可食者周知其數而任之以徵財征

施讀亦弛也經

牧制田界與井也可食謂今年所當耕者也財征賦稅之事

遂大夫各掌其遂之

政令以歲時稽其夫家之衆寡六畜田野辨其可任者

與其可施舍者以教稼穡以稽功事掌其政令戒禁聽

其治訟

施亦讀為弛功事九職之事民所以為功業

令為邑者歲終則會政

致事

不言其遂之吏而言為邑者容公邑及公卿大夫王子弟之采邑政令戒禁遂大夫亦施焉

三

歲大比則帥其吏而興興明其有功者屬其地治者

興

舉民賢者能者如六鄉之為也興猶舉也屬猶聚也又因舉吏治有功者而聚救其餘以職事凡為邑

者以四達戒其功事而誅賞廢興之

四達者治民之事大通者有四夫家

衆寡也六畜車輦也稼穡耕耨也旗鼓兵卒也

縣正各掌其縣之政令徵比

以頒田里以分職事掌其治訟趨其稼事而賞罰之

徵

召也比案比

鄙師各掌其鄙之政令祭祀

祭祀祭

以時數

其衆庶而察其姦惡而誅賞

時四時也

歲終則會其鄙之政

而致事

鄙長各掌其鄙之政令以時校登其夫家比

其衆寡以治其喪紀祭祀之事

校猶數也

若歲時簡器與有

司數之

簡器簡稼器也兵器亦存焉有司遂大夫

凡歲時之戒令皆聽之

聽之

受而行之也

里宰掌比其邑之衆寡與其六畜兵器治其

政令

邑猶里也

以歲時合耦於耜以治稼穡趨其耕耨行其

秩叙以待有司之政令而徵斂其財賦

注見下章

鄰長掌

相糾相受

相糾相舉察

凡邑中之政相贊

長短使相補助

徙於他邑

則從而授之

從猶隨也授猶付也並地官

士師掌鄉合州黨族閭

比之聯與其人民之什伍使之相安相受以比追胥之

事以施刑罰慶賞

鄉合鄉所合也追追寇也胥讀如宿脩之脩脩謂司搏盜賊也秋官

鄉士掌國中

鄭司農云謂國中至百里郊也立謂其地則距王城百里內也言掌國中此主

國中獄也六鄉之獄在國中

各掌其鄉之民數而糾戒之

鄉士八人言各者四

人而分主三鄉

遂士掌四郊

鄭司農云謂百里外至三百里也立謂其地則距王城百里以

外至二百里言掌四郊者此主四郊獄也六遂之獄在四郊

各掌其遂之民數而糾

其戒令

遂士十二人言各者二人而分主一遂

縣士掌野

鄭司農云掌三百里至四百里

大夫所食晉韓須為公族大夫食縣立謂地距王城二百里以外三百里曰野三百里以外至四百里曰縣四百里以外至五百里曰都都縣野之地其邑非王子弟公卿大夫之采地則皆公邑也謂之縣縣士掌其獄焉

言掌野者郊外曰野大總言之也獄居近野之縣獄在二百里上縣之縣獄在三百里上都之縣獄在四百里上各掌其縣之民數糾其戒令方士掌都家鄭司農云掌四

百里至五百里公所食魯季氏食於都玄謂都王子弟及公卿之采地家大夫之采地大都任疆地小都任縣地家邑任稍地不言掌其民數民不純屬王凡都家之大事聚衆庶則各掌

其方之禁令

方士十六人言各掌其方者四人而主一方也其方以王之事動衆則為班禁令焉

以時修其縣法若歲終則省之而誅賞焉

縣法縣師之職也其職掌

邦國都鄙稍甸郊野之地域而辨其夫家人民田萊之數及其六畜車輦之稽方士以四時修此法歲終又省之則與掌民數亦相近並秋官

右鄉邑之政

神農氏作斲木為耜，揉木為耒，耒耨之利，以教天下。蓋

取諸益。

二體皆木，上入下動，天下之益莫大於此。

繫辭傳

少皞氏以鳥名官。

九扈為九農正，扈民無淫者也。

注見職官

帝曰：棄黎民阻

飢，汝后稷播時百穀。

阻，厄后君也。有爵土之稱，播布也。穀非一種，故曰百穀。此因禹之讓

而申命之使仍舊職以終其事也。

舜典

大宰以九職任萬民，一曰三農。

生九穀，七曰嬪婦，化治絲枲。

詳見民政篇

大司徒辨十有

二壤之物，而知其種，以教稼穡樹藝。

壤亦土也，變言耳。以萬物自生焉，則

言土土猶吐也以人所耕而樹藝焉則言壤壤和緩之貌詩曰樹之榛栗又曰我藪黍稷藪猶時也地官

土方氏以辨土宜土化之法而授任地者土宜謂九穀植辨所

宜也土化地之輕重糞種所宜夏官草人掌土化之法以

物地相其宜而為之種土化之法化之使美若泥勝之術也以物地占其形色為之種

黃白宜以種禾之屬凡糞種駢剛用牛赤緹用羊墳壤用麋渴澤

用鹿鹹瀉用貍勃壤用狐埴壚用豕彊槩用蕒輕輿用

犬凡所以糞種者皆謂煮取汁也赤緹線色也渴澤故水處也渴鹵也貍綿也勃壤粉解者埴壤黏疏者強

槩強堅者輕輿輕脫者故書駢為挈墳作釜杜子春挈讀為駢謂地色赤而土剛強也鄭司農云用牛以牛骨

汁漬其種也謂之糞種墳壤多蚘鼠也壤白色黃麻也玄謂墳壤潤解地官

稻人掌稼下

地

以水澤之地種穀也謂之稼者有似嫁女相生

以潴畜水以防止水以溝蕩

水以列舍水以澮寫水以涉楊其芟作田

鄭司農說潴防以春秋傳

曰町原防規偃潴以列舍水列者非一道以去水也以涉楊其芟以其水寫故得行其田中舉其芟鉤也杜子

春讀蕩為和蕩謂以溝行水也玄謂偃潴者畜流水之陂也防潴旁隄也遂田首受水小溝也列田之畦畔也

澮田尾去水大溝作猶治也開遂舍水於列凡稼澤夏

以水殄草而芟夷之

殄病也絕也鄭司農說芟夷以春秋傳曰芟夷蕝崇之今時謂禾下

麥為蕝下麥言芟刈其禾於下種麥也玄謂將以澤地為稼者必於夏六月之時大雨時行以水病絕草之後

生者至秋水涸
芟之明年乃稼

澤草所生種之芒種

鄭司農云澤草之所生其地可種芒

種芒種
稻麥也

司稼掌巡邦野之稼而辨種稑之種周知其

名與其所宜地以為法而縣於邑閭

周猶徧也徧知種所宜之地縣以示

民後年種穀
用為法也

遂人以歲時稽其人民而授之田野教

之稼穡

詳見
上章

遂師巡其稼穡而移用其民以救其時

事

移用其民使轉相助救時急事也四時耕耨斂父
芟地之宜晚早不同而有天期地澤風雨之急

遂大夫以歲時稽其夫家之衆寡以教稼穡以稽功事

詳見
上章

正歲簡稼器修稼政

簡猶閱也稼器耒耜鋤耨之
屬稼政孟春之月令所云皆

脩封疆審端徑術善相丘陵阪險原隰土
地所宜五穀所殖以教道民必躬親之

縣正趨其

稼事而賞罰之

詳見上章

鄧長趨其耕耨稽其女功

女功絲枲

之事

里宰以歲時合耦于耤以治稼穡趨其耕耨行其

秩叙

考工記曰耜廣五寸二耜為耦此言兩人相助耦而耕也鄭司農云耜讀為藉杜子春云耜讀為助

謂相佐助也玄謂耜者里宰治處也若今街彈之室於此合耦使相佐助因放而為名月令季冬命農師計耦耕事修耒耜具田器是其歲時與合人耦則牛耦亦可知也秩叙受耦相佐助之次第並地官

車

人為耒庇長尺有一寸中直者三尺有三寸上句者二

尺有二寸

鄭司農云耒謂耕耒庇讀為其穎有庇之庇謂耒下岐玄謂庇讀為棘刺之刺刺耒下前

曲接

自其庇緣其外以至於首以弦其內六尺有六寸

與步相中也

緣外六尺有六寸內弦六尺應一步之尺數耕者以田器為度宜却異材不在數中

堅地欲直庇柔地欲句庇直庇則利推句庇則利發倨

句磬折謂之中地

中地之來其庇與直者如磬折則調矣調則弦六尺

考工記

段

氏為鑄器

鑄器田器錢鏹之屬同上

雍氏掌溝瀆澮池之禁凡

害於國稼者春令為阱獲溝瀆之利於民者秋令塞阱

杜獲

溝瀆澮田間通水者也池謂陂障之水道也害於國稼謂水潦及禽獸也阱穿地為塹所以禦禽獸

其或超踰則陷焉世謂之陷阱獲柞鄂也堅地阱淺則設柞鄂于其中秋而杜塞阱獲收刈之時為其限害人

也書費誓曰鄆乃獲斂乃阱時秋也伯禽以出師征徐戎

秋官

載師凡宅不毛者

有里布凡田不耕者出屋粟凡民無職事者出夫家之

征

鄭司農云宅不毛者謂不種桑麻也玄謂宅不毛者罰以一里二十五家之泉空田者罰以三家之稅粟

以共吉凶二服及喪器也民有間無職事者出夫稅家稅也夫稅者百畝之稅家稅者出土徒車輦給繇役

地官

閭師凡庶民不畜者祭無牲不耕者祭無盛不樹

者無槨不蠶者不帛不績者不衰

掌罰其家事也盛黍稷也槨周棺也不帛

不得衣帛也不衰不得衣衰也皆所以耻不免同上

旅師凡用粟春頒而秋

斂之

困時施之饒時收之同上

春省耕而補不足秋省斂而助

不給

春秋巡行郊野察民之所不足而補助之

孟子

孟春天氣下降地氣

上騰天地和同草木萌動王命布農事命田舍東郊皆

修封疆審端徑術善相丘陵阪險原隰土地所宜五穀

所殖以教道民必躬親之田事既飭先定準直農乃不

惑母聚大衆毋置城郭仲春耕者少舍乃脩闔扇

毋作大事以妨農之事季春命司空曰時雨將降下

水上騰循行國邑周視原野脩利隄防道達溝瀆開通

道路毋有障塞孟夏毋起土功毋發大衆命野虞

出行田原為天子勞農勸民毋或失時命司徒巡行縣
鄙命農勉作毋休于都驅獸毋害五穀毋大田獵農乃
登麥 仲夏農乃登黍 季夏毋發令而待以妨神農
之事是月也土潤溽暑大雨時行燒薶行水利以殺草
如以熱湯可以糞田疇可以美土疆 孟秋農乃登穀
命百官始收斂完隄防謹壅塞以備水潦 仲秋乃命
有司趣民收斂務畜菜多積聚乃勸種麥毋或失時其
有失時行罪無疑 季秋乃命冢宰農事備收舉五穀

之要 仲冬農有不收藏積聚者馬牛畜獸有放佚者
取之不詰 季冬冰以入令告民出五種命農計耦耕

事修耒耜具田器

注並詳
月令篇

右農政

宣公十四年公羊傳何休注云聖人制井
田之法而口分之一夫一婦受田百畝以

養父母妻子種穀不得種一穀以備災害田中不
得有樹以妨五穀還廬舍種桑荻稼穡畜五母雞
兩母豕瓜果種疆畔女工蠶織老者得衣帛焉得
食肉焉死者得葬焉在田曰廬在邑曰里一里八
十戶八家共一巷中里為校室選其耆老有高德
者名曰父老其有辯護伉健者為里正皆受倍田
得乘馬父老比三老孝弟官屬里正比庶人在官
之吏民春夏出田秋冬入保城郭田作之時春父

老及里正旦開門坐塾上晏出後時者不得出莫
不持樵者不得入五穀畢入民皆居宅里正促緝
績男女同巷相從夜績至於夜中故女功
一月得四十五日作從十月盡正月止 神農之

法曰丈夫丁壯而不耕天下有受其飢者婦人當

年而不織天下有受其寒者故身自耕妻親織以

為天下先

淮南子

五畝之宅樹墻下以桑匹婦蠶

之則老者足以衣帛矣五母雞二母彘母失其時

老者足以無失肉矣百畝之田匹夫耕之八口之

家可以無飢矣

此文王之政也一家養母雞五母彘二也

所謂西伯善

養老者制其田里教之樹畜導其妻子使養其老

五十非帛不煖七十非肉不飽不煖不飽謂之凍

餒文王之民無凍餒之老者此之謂也

田謂百畝之田里謂

五畝之宅樹謂耕桑畜謂雞彘也趙氏曰善養老者教導之使可以養其老耳非家賜而人益之也

孟

子

嗟嗟臣工敬爾在公王釐爾成來咨來茹

嗟嗟重嘆以深勅之也臣工羣臣百官也公公家也釐賜也成成法也茹度也此戒農官之詩先

言王有成法以賜汝汝當來咨度也嗟嗟保介維莫之春亦又何求

如何新畲於皇來牟將受厥明明昭上帝迄用康

年命我衆人痔乃錢鑄奄觀銍艾

保介見月令呂覽其說不同然

皆為藉田而言蓋農官之副也莫春斗柄建辰夏正之三月也畬三歲田也於皇歎美之詞來牟麥也明上帝之明賜也言麥將熟也迄至也康年猶豐年也衆人甸徒也痔具錢銍鑄鉏皆田器也銍鑄禾短鑄也艾穫也此乃言所戒之事言三月則當治其新畬矣今如何哉然麥已將熟則可以受上帝之明賜而此明昭之上帝又將賜我新畬以豐年也於是命甸徒具農器以治其新畬而又將忽見其收成也

周頌臣工

噫嘻成王既昭假爾率時農夫

播厥百穀駿發爾私終三十里亦服爾耕十千維

耦噫嘻亦歎辭也昭明假格也爾田官也時是駿大發耕也私私田也三十里萬夫之地四旁有

川內方三十三里有奇言三十里舉成數也耦二人並耕也此連上篇亦戒農官之詞昭假爾猶言格爾衆庶盖成王始置田官而嘗戒命之也爾當率時農夫播其百穀使之大發其私田皆服其耕事萬人為耦而並耕也盖耕本以二人為耦今合一川之衆為言故云萬人畢出并力齊心如合一耦也此必鄉遂之官司稼之屬其職以萬夫為界者溝洫用貢法無公田故皆謂之私蘇氏曰民曰雨我公田遂及我私而君曰駿發爾私終三十里其上下之間交相忠愛如此周頌噫嘻

宣王即位不藉千畝虢文公諫曰不可王事唯農是務無有求利於其官以干農功三時務農而一時講武故征則有威守則有則

詳見王朝禮

單襄公

假道於陳以聘於楚歸告定王曰陳侯不有大咎

國必亡周制有之曰民無縣耜

言常用也入土曰耜耜柄曰耒

野

無與草

皆壑辟也與深也

不奪民時不蔑民功

蔑棄也

有優

無匱有逸無罷國有班事

國城邑也班次也執事有次

縣有序

民

縣鄙之民從事有序

今陳國道路不可知田在草間

不懇者多

功成而不收

野場若柔也

民罷於逸樂

罷於為國君作逸樂之事

是

棄先王之法制者也

周語

少皞氏以鳥名官五雉為五工正利器用正度量夷民

者也

注見職官

帝曰疇若予工僉曰垂哉帝曰俞咨垂汝

共工垂拜稽首讓於殳斨暨伯與帝曰俞往哉汝諧順若

其理而治之也曲禮六工有土工金工石工木工獸工
草工周禮有攻木之工攻金之工攻皮之工設色之工
搏埴之工皆是也帝問誰能順治予百工之事者垂臣
名有巧思莊子曰儷工倕之指即此也殳斨伯與三臣
名也殳以積竹為兵建兵車者斨方鑿斧也古者多以
其所名為名殳斨豈能為二器者歟往哉汝諧者往哉
汝和其職也舜典

有虞氏上陶夏后氏上匠殷人上梓周人

上輿

官各有所尊王者相變也舜至質貴陶器甗大瓦

棺是也禹治洪水民降丘宅土甲宮室盡力乎溝

誅紂疾上下失其服飾而尊與考工記天子之

六工曰土工金工石工木工獸工草工典制六材

此亦殷時

制也周則皆屬司空土工陶瓴也金工築冶梟稟鍛桃石工玉人磬人也木工輪輿弓廬匠車梓也獸工函匏鞞韋裘也惟草工職亡蓋謂作萑葦之器曲禮

大宰以九職任萬民五曰

百工飭化八材

詳見民政章

凡攻木之工七攻金之工六

攻皮之工五設色之工五刮摩之工五搏埴之工二

猶攻

治也搏之言拍也埴黏土也故書七為十刮作挖鄭司農云十當為七挖摩之工謂玉工也挖讀為刮其事亦是也

攻木之工輪輿弓廬匠車梓攻金之工築冶梟稟段

桃攻皮之工函匏鞞韋裘設色之工畫績鍾筐幌刮摩

之工玉柳雕矢磬搏埴之工陶旒

事官之屬六十此識其五材三十工略記

其事耳其曰某人者以其事名官也其曰某氏者官有世功若族有世業以氏名官者也盧子戟矜秘也國語曰侏儒扶盧梓攄屬也故書雕或為每鄭司農云輪輿弓盧匠車梓此七者攻木之工官別名也孟子曰梓匠輪輿鮑讀為鮑魚之鮑書或為艷蒼頡篇有鮑莞韞讀為歷運之運慌讀為芒芒禹迹之芒柳讀如巾櫛之櫛旒讀為甫始之甫埴書或為植杜子春云雕或為舟者非也立謂板讀為放於此乎之放考工記

攻

金之工築氏執下齊冶氏執上齊鳧氏為聲栗氏為量

段氏為鑄器桃氏為刃

多錫為下齊大刀削殺氏鑿燧也少錫為上齊鐘鼎斧斤戈戟

也聲鍾鐸于之屬量豆區鬴也鑄器田器錢鎛之屬刃大刀刀劍之屬

金有六齊

目和金之品數

六分其金而錫居一謂之鐘鼎之齊五分其金而錫居

一謂之斧斤之齊四分其金而錫居一謂之戈戟之齊

參分其金而錫居一謂之削殺矢之齊金錫半謂之鑒

燧之齊

鑒燧取水火於日月之器也鑒亦鏡也凡金多錫則忍白且明也同上

凡鑄金之

狀

故書狀作壯杜子春云當為狀謂鑄金之形狀

金與錫黑濁之氣竭黃白次

之黃白之氣竭青白次之青白之氣竭青氣次之然後

可鑄也

消凍金錫精麤之候同上

季春命工師令百工審五庫

之量金鐵皮草筋角齒羽箭幹脂膠丹漆母或不良百

工咸理監工日號毋悖於時毋或作為淫巧以蕩上心

季秋霜始降則令百工休 孟冬命工師效功陳祭

器案度程毋或作為淫巧以蕩上心必功致為上物勒

工名以考其誠功有不當必行其罪以窮其情

注並見月令篇

來百工則財用足

來百工則通功易事農末相資故財用足

日省月試既

稟稱事所以勸百工也

既讀曰餼餼稟稍食也稱事如周禮藁人職曰考其弓弩以上

下其食是也中庸

右工政 國有六職百工與居一焉

百工司空事官之屬於天

地四時之職亦處其一也司空掌營城郭建都邑
立社稷宗廟造宮室車服器械監百工者唐虞以
上曰或坐而論道或作而行之或審曲面勢以飭
共工

五材以辨民器或通四方之珍異以資之或飭力

以長地財或治絲麻以成之

言人德能事業之不
同者也論道謂謀慮

治國之政令也作起也辨猶具也資取也操也鄭
司農云審曲面勢審察五材曲直方面形勢之宜
以治之及陰陽之向背是也春秋傳曰天生五材
民並用之謂金木水火土也故書資作齊杜子春
云齊當為資讀為冬資締紵之
資玄謂此五材金木皮玉土

坐而論道謂之王

公

天子諸侯

作而行之謂之士大夫

親受其職居其官也

審曲面

執以飭五材以辨民器謂之百工

五材各百工言百衆言之也

通四方之珍異以資之謂之商旅

商旅販賣之客也易曰至日商

旅不

飭力以長地財謂之農夫

三農受夫田也

治絲麻以

成之謂之婦功

布帛婦官之事

粵無鑄燕無函秦無廬胡

無弓車

此四國者不置是工也鑄田器詩云倬乃錢鑄又曰其鑄斯掇鄭司農云函讀為國

君含垢之含函鎧也孟子曰夫人豈不仁於函人哉矢人惟恐不傷人函人惟恐傷人廬讀為廬謂

矛戟柄竹攢秘或曰摩鋼之器胡今匈奴

粵之無鑄也非無鑄也夫人

而能為鑄也燕之無函也非無函也夫人而能為

函也秦之無廬也非無廬也夫人而能為廬也胡

之無弓車也非無弓車也夫人而能為弓車也

其言

大夫人人皆能作是器不須國工粵地塗泥多草歲而山出金錫鑄治之業田器尤多燕近強胡習

作甲冑秦多細木善作矜秘匈奴無屋宅田獵畜牧逐水草而居皆知為弓車知者創物

謂始闢端造器物若世本作者是也巧者述之守之世謂之工

父子世以

教相百工之事皆聖人之作也

事無非聖人所為也燦金以為

刃凝土以為器作車以行陸作舟以行水此皆聖

人之所作也

凝堅也故書舟作周鄭司農云周當作舟

天有時地有氣

材有美工有巧合此四者然後可以為良

時塞溫也氣剛

柔也良善也

材美工巧然而不良則不時不得地氣也

不時不得天時

橘踰淮而北為枳鸛鵒不踰濟貉踰汶則

死此地氣然也

鸛鵒鳥也春秋昭二十五年有鸛鵒來巢傳曰書所無也鄭司農云

不踰濟無妨於中國有之貉或為鄭之刀宋之斤

魯之削吳粵之劍遷乎其地而弗能為良地氣然

也

去此地而作之則不能使良也

燕之角荆之幹胡之筍吳粵

之金錫此材之美者也

荆荆州也幹柘也可以為弓弩之幹胡胡弓之國

在楚旁竒矢幹也禹貢荊州貢杻幹栝柏及箇簠
栝故書竒為筍杜子春云舛讀為焚咸丘之焚書
或為邠舛胡地名也筍當為竒竒讀為橐謂箭橐


天有時以生有時以殺

草木有時以生有時以死石有時以泐水有時以

凝有時以澤此天時也

言百工之事當審其時也鄭司農云泐讀如再切而

後掛之切切謂石解散也夏時盛暑大熱則然考工記



禮書綱目卷六十二

欽定四庫全書

經部

禮書綱目卷六十三至五

詳校官監察御史_臣左周

給事中_臣溫常綬覆勘

總校官進士_臣何思鈞

校對官中書_臣金光悌

謄錄監生_臣金拱闇

欽定四庫全書

禮書綱目卷六十三

婺源江永撰

政事下

通禮十二

補

神農氏日中為市致天下之民聚天下之貨交易而退

各得其所蓋取諸噬嗑

日中為市上明而下動又借噬為市嗑為合也

繫辭傳

古者市廛而不稅

詳見財賦

匠人營國面朝後市市朝一

夫

詳見制國

內宰凡建國佐后立市設其次置其叙正其

肆陳其貨賄出其度量淳制祭之以陰禮

市朝者君所建國也建

國者必面朝後市王立朝而後立市陰陽相承之義次思次也敘介次也陳猶處也度丈尺也量豆區之屬鄭司農云佐后立市者始立市后立之也祭之以陰禮者市中之社先后所立社也故書淳為敦杜子春讀敦為純純謂幅廣也制謂四長玄謂純制天子巡守禮所云制幣丈八尺純四咫與陰禮婦人之祭禮天官

大宰以九職任萬民六曰商賈阜通貨賄

詳見上篇

司市

掌市之治教政刑量度禁令

量豆區斗斛之屬度丈尺也

以次敘分

地而經市

次謂吏所治舍思次介次也若今市亭然敘肆行列也經界也

以陳肆辨物

而平市

陳猶列也辨物物異肆也肆異則市平

以政令禁物靡而均市

物靡

者易售而無用禁之則市以商賈阜貨而行布通物曰

均鄭司農云靡謂侈靡也物曰賈阜猶盛也鄭以量度成賈而徵債徵台也債買

則買者司農云布謂泉也以質劑結信而止訟質劑謂兩書一札而別之也以賈民禁

偽而除詐賈民胥師賈師之屬必以賈民為之者知物之情偽與實詐以刑罰禁

而去盜刑罰憲徇扑以泉府同貨而斂賒同共也同者謂民貨不售則為斂而

賈之民無貨則賒賈而予之大市日昃而市百族為主朝市朝時而

市商賈為主夕市夕時而市販夫販婦為主市雜聚之處言主者

謂其多者也百族必容來去商賈家於市城販夫販婦朝資夕賣因其便而分為三時之市所以了物極衆鄭

司農云百族百姓也

凡市入則胥執鞭度守門市之羣吏平肆展

成奠賈上旌於思次以令市市師涖焉而聽大治大訟

胥師賈師涖於介次而聽小治小訟

凡市入謂三時之市市者入也胥守

門察偽詐也必執鞭度以威正人衆也度謂受也因刻丈尺耳羣吏胥師以下也平肆平賣物者之行列使之

正也展之言整也成平也會平成市物者也奠讀為定整飭會者使定物價防誣豫也上旌者以為衆望也見

旌則知當市也思次若今市亭也市師司市也介次市亭之屬別小者也鄭司農云思辭也次市中侯樓也立

謂思當為司聲之誤也

凡萬民之期於市者辟布者量度者刑戮

者各於其地之敘

期謂欲賣買期決於市也量度者若今處斗斛及丈尺也故書辟為辭鄭

司農云辭布辭訟泉物者也玄謂辟
布市之羣吏考實諸泉入及有遺忘
凡得貨賄六畜者

亦如之三日而舉之

得遺物者亦使置其地貨於貨之
肆馬於馬之肆則主求之易也三

日而無識認者
舉之沒入官

凡治市之貨賄六畜珍異亡者使有利

者使阜害者使亡靡者使微

利利於民謂物實厚者害
害於民謂物行苦者使有

使阜起其賈以微之也使亡使微抑其賈以卻之也侈
靡細好使富民好奢微之而已鄭司農云亡者使有無
此物則開利
其道使之有
凡通貨賄以璽節出入之

璽節印章如今
斗檢封矣使人

執之以
通商

國凶荒札喪則市無征而作布

有災害物貴市
不稅為民之乏

困也金銅無凶年因
物貴大鑄泉以饒民
凡市偽飾之禁在民者十有二在

商者十有二在賈者十有二在工者十有二

玄謂王制曰用器不

中度不粥於市兵車不中度不粥於市布帛精麤不中數幅廣狹不中量不粥於市姦色亂正色不粥於市五穀不時果實未熟不粥於市木不中伐不粥於市禽獸魚鼈不中殺不粥於市亦其類也

市刑小刑

憲罰中刑徇罰大刑扑罰其附於刑者歸於士

徇舉以示其地

之衆也扑撻也鄭司農云憲罰播其肆也

國君過市則刑人赦夫人過市罰

一幕世子過市罰一帑命夫過市罰一蓋命婦過市罰一

惟謂諸侯及夫人世子過其國之市大夫內子過其都之市也市者人所交利而行刑之處君子無故不遊觀焉若遊觀則施惠以為說也國君則赦其刑人夫人世子命夫命婦則使之出罰異尊卑也此王國之市而

說國君以下過市者諸侯之於其國與王同以其足以互明之凡會同師役市司帥賈

師而從治其市政掌其賣債之事市司司市也債買也會同師役必有市者

大衆所在來物以備之質人掌成市之貨賄人民牛馬兵器珍

異成平也會者平物賈而來主成其平也人民奴婢也珍異四時食物凡賣債者質劑焉

大市以質小市以劑玄謂質劑者為之券藏之也大市人民牛馬之屬用長券小市兵器

珍器之物用短券掌稽市之書契同其度量壹其淳制巡而考

之犯禁者舉而罰之稽猶考也治也書契取于市物之券也其券之象書兩札刻其側杜

子春云淳當為純純謂幅廣制謂匹長也皆當中度量凡治質劑者國中一旬郊

二旬野三旬都三月邦國暮期內聽期外不聽

謂齋券契者來

訟也以期內來則治之後期則不治所以絕民之好訟且息文書也郊遠郊也野甸稍也都小都大都

廛人掌斂市紬布總布質布罰布而入於廛府

布泉也鄭司農

云紬布列肆之稅布杜子春云總當為僦謂無肆立持者之稅玄謂總讀如租穗之穗穗布謂守斗斛銓衡者之稅也質布者質人之所罰犯質劑者之泉也罰布者犯市令者之泉也廛布者貨賄諸物邸舍之稅凡

屠者斂其皮角筋骨入於王府

以當稅給作器物也

凡珍異之有

滯者斂而入於膳府

珍異四時食物也不售而在廛久則將瘦臞腐敗為買之入膳夫之

府所以紓民事而官不失實

胥師各掌其次之政令而平其貨賄

憲刑禁焉

憲表縣之

察其詐偽飾行僨慝者而誅罰之

司鄭

農云僨賣也慝惡也謂行且賣姦偽惡物者玄謂飾行僨慝謂使人行賣惡物于市巧飾之令欺誑置者聽

其小治小訟而斷之賈師各掌其次之貨賄之治辨

其物而均平之展其成而奠其賈然後令市凡天患禁

貴僨者使有恒賈

恒常也謂若諸米穀棺木而睹久雨疫病者貴賣之因天災害阨民使之

重四時之珍異亦如之

薦宗廟之物

凡國之賣僨各帥其屬

而嗣掌其月

僨買也故書賣為買鄭司農云謂官有所斥賣賈師帥其屬而更相代直月為官賣

之均

凡師役會同亦如之

司廵掌憲市之禁令禁其

鬪鬪者與其毆亂者出入相陵犯者以屬遊飲食於市

者若不可禁則搏而戮之

鬪謹也鄭司農云屬遊飲食羣飲食者

司稽

掌巡市而察其犯禁者與其不物者而搏之

不物衣冠視瞻不與

衆同及其操物不如品式

掌執市之盜賊以徇且刑之

胥各掌其

所治之政執鞭度而巡其前掌其坐作出入之禁令襲

其不正者

杜子春云當為襲謂掩捕其不正者

凡有罪者撻戮而罰之

之罰

使出布

肆長各掌其肆之政令陳其貨賄名相近者相

遠也實相近者相邇也而平正之

邇亦近也俱是物也使惡者遠善善自相

近鄭司農云謂若珠玉之屬俱名為珠俱名為玉而賈或百萬或數萬恐農夫愚民見欺故別異令相遠使賈人不得雜亂以欺人斂其總布掌其戒禁杜子春云總當為倭泉府掌以市

之征布斂市之不售貨之滯於民用者以其賈買之物梏

而書之以待待不時而買者買者各從其抵都鄙從其主

國人郊人從其有司然後予之

鄭司農云不時買者謂急求者也抵故買也主者別

治大夫也然後予之為封符信然後予之玄謂抵實抵字抵本也本謂所屬吏主有司是也

凡賒者

祭祀無過旬日喪紀無過三月

鄭司農云賒賁也以祭祀喪紀故從官賒買物

凡民之貸者與其有司辨而授之以國服為之息

有司所屬

吏也與之別其貸民之物定其賈以與之鄭司農云貸者謂從官借本賈也故有息使民弗利以其所賈之國所出為息也假令其國出絲絮則以絲絮償其國出綿葛則以綿葛償立謂以國服為之息以其於國服事之稅為息也於國事受國廩之田而貸萬泉者則暮出息五百王莽時民貸以治產業者但計贏所得受息無過歲什一凡國之財用取具焉歲終則會其出入而納其餘

會計也納入也入餘於職幣並地官

遺人凡國野之道三十里有市

市有侯館侯館有積

詳下道路章

有圭璧金璋不粥於市

命服命車不粥於市犧牲不粥於市戎器不粥於市

物尊

非民所宜有戎器軍器也粥賣也

用器不中度不粥於市兵車不中度

不粥於市布帛精麤不中數幅廣狹不中量不粥於市

姦色亂正色不粥於市

凡以其不可用也用器弓矢耒耜飲食器也度丈尺也數升縷

多少錦文珠玉成器不粥於市衣服飲食不粥於市

不示民以

奢與貪也成猶善也

五穀不時果實未孰不粥於市

物未成不利人

木不

中伐不粥於市

伐之非時不中用周禮仲冬斬陽木仲夏斬陰木

禽獸魚鼈不

中殺不粥於市

殺之非時不中用月令季冬始漁周禮春獻鼈蜃王制

右布政 衛莊公改舊制易朝市高子鞅問於孔

子曰周禮前朝而後市今衛君更之如何孔子曰

朝市於西方失之矣

家語

孟子曰市廛而不征法

而不廛則天下之商皆悅而願藏於其市矣

廛市宅也

張子曰或賦其市地之廛而不征其貨或治之以市官之法而不賦其廛蓋逐末者多則廛以抑之

少則不必廛也孟子

古者關譏而不征

詳見財賦

關執禁以譏禁異服識異言

關竟上門譏呵察王制

司門掌授管鍵以啟閉國門

鄭司農云鍵讀為蹇

管謂籥也鍵謂牡也

幾出入不物者正其貨賄凡財物犯禁者舉

之

不物衣服視瞻不與衆同及所操物不如品式者正讀為征征稅也犯禁謂商所不資者舉之沒入官

以其財養死政之老與其孤

財所謂門閭之委積也死政之老死國事者之父母

也孤其子

司關掌國貨之節以聯門市

貨節謂商本所發司市之璽節也自

外來者則案其節而書其貨之多少通之國門國門通之司市自內出者司市為之璽節通之國門國門通之

關門參相聯以檢猾商

司貨賄之出入者掌其治禁與其征廛

者貨賄之稅與所止邸舍也關下亦邸有客舍其出布如市之廛

凡貨不出於關者與

其貨罰其人

不出於關謂從私道出辟稅者則沒其貨而撻其人

凡所達貨賄者

則以節傳出之

商或取貨於民間無璽節者至關關為之璽節及傳出之其有璽節亦為之傳

傳如今移過所文書

國凶札則無關門之征猶幾

無租稅猶幾猶苛察不得令奸

人出有外內之送令則以節傳出內之

有送令謂奉貢獻及文書以常

事往來環人之職所送迎通賓客來至關則為之節與傳以通之

掌節門關用符節

詳名器下並地官

仲夏門閭毋閉關市無索 仲秋易關市

來商旅納貨賄以便民事四方來集遠鄉皆至則財不
匱上無乏用百事乃遂 孟冬戒門閭脩鍵閉慎管籥

謹關梁

並詳月令

右門關之政

文王之治岐也關市譏而不征

孟子

仲尼曰臧文仲不仁者三廢六關不仁也

塞關陽關

之屬凡六關所以禁絕末遊而廢之按家語作

置六關王注云六關關名魯本無此關文仲置之

以稅行者故為不仁傳曰廢六關非也二說未知孰是孟子曰關

譏而不征則天下之旅皆悅而願出於其路矣又曰古之為關也將以禦暴譏察非常今之為關也將

以為暴征稅出入范氏曰古之耕者什一後世或收大半之稅此以賦斂為暴也文王之

圓與民同之齊宣王之圓為圉國中此以園圓為暴也後世為暴不止於關若使孟子用於諸侯必

行文王之政凡此之類皆不終日而改也

剡木為舟剡木為楫舟楫之利以濟不通致遠以利天

下蓋取諸渙

木在水上也致遠以利天下疑衍

天子造舟

比船為橋

諸侯維舟

維連四船

大夫方舟

併兩船

士特舟

單船

庶人乘泝

併木

以渡兩雅

匠人營國經涂九軌環涂七軌野涂五軌環

涂以為諸侯經涂野涂以為都經涂

詳見制國

司險掌九

州之圖以周知其山林川澤之阻而達其道路設國之

五溝五涂而樹之林以為阻固皆有守禁而達其道路

詳軍禮武備

合方氏掌達天下之道路

津梁相湊不得陷絕夏官

野

廬氏掌達國道路至於四畿

達謂巡行通之使不陷絕也去王城五百里為畿

比國郊及野之道路宿息井樹

比猶較也宿息廬之屬賓客所宿及晝止者也

井共飲食樹為藩蔽

若有賓客則令守涂地之人聚榛之有相翔

者誅之

守涂地之人道所出廬宿旁民也相翔猶昌翔觀伺者也鄭司農云聚榛聚擊榛以宿衛之也

有姦人相翔於賓客之側則誅之不得令寇盜賓客

凡道路之舟車輦互者序而

行之

舟車輦互謂於迫隘處也車有輶輶坻閣舟有砥柱之屬於其過之者使以次叙之

凡有節

者及有爵者至則為之辟

辟辟行人亦使守涂地者禁野之橫行徑

踰者

皆為防姦也橫行妄繇田中徑踰射邪起疾越隄渠也

凡國之大事比脩除

道路者

比校治道者名若今次金叙大功

掌凡道禁

禁謂若今絕蒙布巾持兵杖之屬

秋官

掌節道路用旌節凡通達於天下者必有節以傳

輔之無節者有幾則不達

詳名器下

候人各掌其方之道

治與其禁令以設候人

道治治道也國語曰候不在竟譏不居其方也禁令猶姦寇也

以設候人者選士卒以為之詩云彼候人兮何戈與祲

若有方治則帥而致於朝

及歸送之於竟

方治其方來治國事者也春秋傳曰晉樂盈過周王使候人出諸轅轅是其送

之夏官

遺人野鄙之委積以待羈旅

羈旅過行寄止者

凡國野

之十里有廬廬有飲食三十里有宿宿有路室路室有

委五十里有市市有候館候館有積

廬若今野候徒有房也宿可止宿若

今亭有室矣候館樓可以觀望者也一市之間有三廬一宿

地官

委人以旬聚待羈

旅聚凡畜聚之物也

同上

季春命司空曰時雨將降下水上騰

循行國邑周視原野脩利隄防道達溝瀆開通道路毋

有障塞

詳月令

柔遠人則四方歸之

柔遠人則天下之旅皆悅而願出於

其塗故送往迎來嘉善而矜不能所以柔遠人也

往則為之

授節以送之來則豐其委積以迎之

中庸

右道路之政 單襄公假道于陳以聘于楚火朝

覲矣道弗可行也

大心星也覲見也草穢塞路謂第朝見謂夏正十月晨見

於辰

候不在疆

候候人也掌送迎賓客也疆境也

司空不視塗

司空鄉官

掌道

澤不陂

陂障也古不實澤故障之

川不梁

流曰川梁渠梁古不防川故梁

之

野有庾積

唐尚書云十六斛曰庾昭謂此庾露積穀也詩云曾孫之庾如坻如京是

也

場功未畢

治場未畢也詩云九月築塲圃

道無列樹

古者列樹以表道且

為城守之用

墾田若藝

發田曰墾藝猶詩也言其稀少猶若藝物

膳宰不致

餼

膳宰膳夫也掌賓客之牢禮生曰餼

司里不授館

司里里宰也掌授客館

國

無寄寓

寓亦寄也無寄寓者不為廬舍可以寄羈旅之客

縣無施舍

四甸為縣

縣方六十里施舍者所以施舍賓客負任之處

單子歸告王曰陳侯不有

大咎國必亡夫辰角見而雨畢

辰角大辰蒼龍之角角星名也見者

朝見東方建戌之初寒露節也雨畢者殺氣日盛雨氣盡也

天根見而水涸

天根

亢氏之間也涸竭也謂寒露雨畢之後五日天根朝見水潦盡竭也月令仲秋水始涸天根見乃盡

也

本見而草木節解

本氏也謂寒露之後十日陽氣盡草木之枝節皆理解之

駟見而隕霜

駟天馬房星也隕落也謂建戌之中霜始降也

火見而清風

戒寒

謂霜降之後清風先至所以戒人為寒備也

故先王之教曰雨畢

而除道水涸而成梁

教謂月令之屬也九月雨畢十月水涸

草木節

解而備藏

備收藏也月令季秋農事畢收

隕霜而冬裘具

孟冬則天子始

裘故九月清風至而脩城郭宮室謂火見之後故

夏令曰九月除道十月成梁夏令夏后氏之令周所因也除道所以便

行旅成梁所以其時儆曰收而場功儔而畚揭儆時

便民使不涉也時所以儆告其民也收而場功使人脩囷倉也儔

具也畚器名土籠也揭昇土之器具汝畚揭將以築作營室之中土功其始定謂之營室謂建亥小雪之中定星昏正於午

土功可以始也詩定火之初見期於司里期會也致其築

之方中作於楚宮作之具會於此先王之所以不用財賄而廣施德

於天下者也施德謂因時警戒謹蓋藏成築功也今陳國火朝覲矣

而道路若塞野場若棄澤不陂障川無舟梁

舟梁以舟

為梁也

是廢先王之教也周制有之曰列樹以表道

立鄙食以守路

制法也表識也鄙四鄙十里有廬廬有飲食

國有郊牧

國外曰郊牧故牧之地

疆有寓望

疆境也境界之上有寄寓之舍候望之人

藪有

圃草

澤無水曰藪圃大也必有茂大之草以備財用

囿有林池

圃苑也林積木也池

積水也

所以禦災也

禦備也災飢兵也

今陳國道路不可知

上下文互見農政章

是棄先王之法制者也

國語周語

子產聽鄭

國之政以其乘輿濟人於溱洧

子產鄭大夫公孫僑也溱洧二水名

也子產見人有徒涉此水者以其所乘之車載而渡之

孟子曰惠而不知為

政

惠謂私恩小利政則有公平正大之體綱紀法度之施焉

歲十一月徒杠成

十二月輿梁成民未病涉也

杠方橋也徒杠可通徒行者梁亦橋也輿

梁可通車輿者周十一月夏九月也周十二月夏十月也夏令曰十月成梁蓋農功已畢可用民力又時將寒沍水有橋梁則民不患於徒涉亦王政之一事也君子平其政行辟

人可也焉得人人而濟之

辟辟除也如周禮閭人為之辟之辟言能平其

政則出行之際辟除行人使之辟已亦不為過故況國中之水當涉者衆豈能悉以乘輿濟之哉

為政者每人而悅之日亦不足矣

言每人皆欲致私恩以悅其意

則人多日少亦不足於用矣諸葛武侯嘗言治世以大德不以小惠得孟子之意矣孟子

葵丘之會三命曰無忘賓旅賓賓客也旅行旅也皆當有以待之不可

忽忘也

同上

懷方氏掌來遠方之民致方貢致遠物而送逆之達之

以節

達方之民四夷之民也諭德延譽以來之遠物九州之外無貢法而王者達民以旌節達貢物以璽

節

治其委積館舍飲食

續食其往來夏官

中國戎夷五方之

民皆有性也不可推移

地氣使之然

東方曰夷被髮文身有

不火食者矣南方曰蠻雕題交趾有不火食者矣

雕文謂刻

其肌以丹青涅之交趾足相鄉然浴則同川卧則僻不火食地氣煖不為病

西方曰戎被髮

衣皮有不粒食者矣北方曰狄衣羽毛穴居有不粒食

者矣

不粒食地氣寒少五穀

中國夷蠻戎狄皆有安居和味宜服

利用備器

其事雖異各自足

五方之民言語不通嗜欲不同達

其志通其欲東方曰寄南方曰象西方曰狄韞北方曰

譯

皆俗間之名依其事類耳韞之言知也今冀部有言狄韞者

王制

右懷遠之政 三旬苗民逆命班師振旅帝乃誕

敷文德舞干羽于兩階七旬有苗格

班還振整也謂振旅以歸

也誕大也文德文命德教也干楫羽翳也皆舞者所執也兩階賓主之階也七旬七十日也格至也

大禹謨

大司徒以荒政十有二聚萬民一曰散利二曰薄征三曰緩刑四曰弛力五曰舍禁六曰去幾七曰眚禮八曰殺哀九曰蕃樂十曰多昏十有一曰索鬼神十有二曰

除盜賊

荒凶年也鄭司農云救飢之政十有二品散利貸種食也弛力息繇役也去幾闕市不幾也眚

禮掌客職所謂凶荒殺禮者也多昏不備禮而娶昏者多也索鬼神求廢祀而脩之雲漢之詩所謂靡神不舉靡愛斯牲者也除盜賊急其刑以除之饑饉則盜賊多不可不除也杜子春讀蕃樂為藩樂謂閉藏樂器而不

作玄謂去幾去其稅耳舍禁若公無禁
利普禮謂殺吉禮也殺哀謂省凶禮

大荒大札則令

邦國移民通財舍禁弛力薄征緩刑

大荒大凶年也大
札大疫病也移民

辟災就賤其有守不可移者則輸之
穀春秋定五年夏歸粟於蔡是也

遺人縣都之委

積以待凶荒

均人凶札則無力政無財賦

無力政恤
其勞也無

財賦恤其乏困
也財賦九賦也

不收地守地職不均地政

不收山澤及
地稅亦不平

計地稅也非凶札之
歲當收稅乃均之耳

司救凡歲時有天患民病則以

節巡國中及郊野而以王命施惠

天患謂災害也節旌
節也施惠調恤之

司市國凶荒札喪則市無征而作布

賈師凡天患

禁貴儻者使有恒賈

並詳市政章

司關國凶札則無門關

之征猶幾

詳門關章

廩人若食不能人二鬴則令邦移民

就穀詔王殺邦用

倉人若穀不足則止餘法用有餘

則藏之以待凶而頒之

並詳財賦並地官

士師若邦凶荒則

以荒辯之灋治之

鄭司農云辯讀為風別之別救荒之政十有二而士師別受其教條是為

荒別之法立謂辯當為貶聲之誤也遭飢荒則刑罰國事有所貶損作權時法也朝士職曰若邦凶荒札喪寇

戎之故則令邦國都家縣鄙慮刑貶

令移民通財糾守緩刑

移民就賤救困也通財補

不足也糾守衛盜賊也緩刑紓民心也

秋官

朝士若邦凶荒札喪寇戎之

故則令邦國都家縣鄙慮刑貶

故書慮為憲貶為寔杜子春云寔當為禁憲為

幅書以明之立謂慮謀也貶猶減也謂當圖謀緩刑且減國用為民困也所貶視時為多少之法同上

古者有災者謂之厲君一時素服使有司弔死問疾憂以巫豎匍匐以捄之湯粥以方之善者先乎矜寡孤獨及疾不能相養死無以葬埋者葬埋之

右凶札之政

凶札之禮詳災變禮因凶札祈禳詳因祭

莊公二十八

年冬大無麥禾減孫辰告糴於齊

春秋

魯饑減文

仲言於嚴公曰夫為四隣之援

援所攀援以為助也

結諸侯

之信重之以婚姻申之以盟誓申重也固國之艱急

是為

艱難也是為
為難急也

鑄名器

名器鐘
鼎也

藏寶財

寶財玉
帛也

固民之殄病是待

殄絕也
病飢也

今國病矣君盍以名器

請糴於齊

盍何不也
市穀曰糴

公曰誰使對曰國有饑饉卿

出告糴古之制也

告請也

辰也備卿辰請如齊文仲

以鬯圭與玉磬如齊告糴

鬯圭裸鬯之圭長尺二
寸有瓚以祀廟玉磬鳴

也璆曰天灾流行戾於敝邑饑饉荐降民羸幾卒

戾至

也荐重也降下也羸
病也幾近也卒盡也

大懼殄周公太公之命祀

唐賈

二君云周公為太宰太公為太師皆掌命諸侯之國所當祀也或云命祀謂命祀二公也昭謂傳曰

衛成公祀夏后相寧武子曰不可以間成王周公之命祀如此賈唐得之職貢業事之

不共而獲戾

戾罪也

不腆先君之敝器

腆厚也

敢告滯

積以紓執事

滯久也紓緩也執事齊有司也穀久積則將朽敗執事所憂也請之所以

緩執事

以救敝邑使能共職豈唯寡君與二三臣實

受君賜其周公太公及百辟神祇實永饗而賴之

辟君也賴蒙也天曰神地曰祇百辟謂百君卿士有益於民者齊人歸其玉而予

之糴

魯語

國無三年之畜曰國非其國也一年不

升告糴諸侯告請也不正故舉臧孫辰以為私行

也

為內諱故不稱使使若私行

國無九年之畜曰不足無六年

之畜曰急無三年之畜曰國非其國也諸侯無粟

諸侯相歸粟正也臧孫辰告糴于齊告然後與之

言內之無外交也古者稅什一豐年補敗

敗謂凶年

不

外求而上下皆足也雖累凶年民弗病也一年不

艾而百姓饑君子非之

穀梁傳

僖公二十一年夏

大旱公欲焚巫尪

巫尪女巫也主祈禱請雨者或以為尪非巫也瘠病之人其面

上向俗謂天哀其病恐雨入其鼻故為之早是以公欲焚之臧文仲曰非旱備

也脩城郭貶食省用務穡勸分穡儉也勸分有無相濟此其

務也巫尪何為天欲殺之則如勿生若能為旱焚

之滋甚公從之是歲也飢而不害不傷害民左氏傳

大司徒以保息六養萬民三曰賑窮四曰恤貧五曰寬

疾詳見上篇朝士掌建邦外朝之法右肺石達窮民焉詳朝

廷禮大司寇以肺石達窮民肺石赤石也窮民天民之窮而無告者凡遠

近惇獨老幼之欲有復於上而其長弗達者立於肺石

三曰士聽其辭以告於王而罪其長

無兄弟曰悻無子孫曰獨復猶報也

上謂王與六卿也報之者若上書詣公府言事矣長謂諸侯若鄉遂大夫

秋官

大僕建路

鼓於大寢之門外而掌其政以待達窮者與遽令聞鼓

聲則速逆僕與御庶子

詳朝廷禮

少而無父者謂之孤老

而無子者謂之獨老而無妻者謂之矜老而無夫者謂

之寡此四者天民之窮而無告者也皆有常餼

餼廩也

瘠

聾跛躄斷者侏儒百工各以其器食之

斷謂支節絕也侏儒短人也器

能也

王制

鄉師以歲時巡國及野而凋萬民之難阨以

王命施惠

歲時者隨其事之時不必四時也
鄭司農云賸讀為周急之周

遺

人鄉里之委積以恤民之難阨門閭之委積以養老孤

鄉里鄉所居也難阨猶困乏也門閭以養老孤人所出入易以取餽廩也

旅師掌聚野之

勑粟屋粟間粟

註見財賦

而用之以質劑致民平頒其興積

施其惠散其利而均其政令

而讀為若聲之誤也若用之謂恤民之難阨委積於

野如道人所興之積謂三者之粟也平頒之不得偏頗有之興積所興之積謂三者之粟也平頒之不得偏頗有
多少縣官徵聚物曰興今云軍興是也是粟縣師徵之
旅師斂之而用之以調衣食曰惠以作事業曰利均其
政令者皆以
國服為之息
凡用粟春頒而秋斂之
困時施之
饒時收之
司稼

掌均萬民之食而調其急而平其興

均謂度其多少調廩其糴既興所徵

賦並地官

季春天子布德行惠命有司發倉廩賜貧窮

振乏絕

詳月令

右恤窮之政 老而無妻曰鰥老而無夫曰寡老

而無子曰獨幼而無父曰孤此四者天下之窮民

而無告者也文王發政施仁必先斯四者詩云哿

矣富人哀此熒獨

孟子

文公曰柰夫八疾何

八疾

至僮

胥臣曰官師之所材也

師長也材古裁字

戚施直縛

戚施倮人直主
擊鐻鐻鍾也

蘧篠蒙璆

蘧篠偃人蒙戴也璆玉
磬也不能俛故使之戴

磬

侏儒扶盧

侏儒短者扶緣也盧弋
戟之秘緣之以為戲

矇眊修聲有

子而無見曰矇無眸子曰眊
無目於音聲審故使修之

聾聵司火

耳不別五
聲之和曰

聾生而聾曰聵耳無聞
於視則審故使主火

僮昏

僮無知也
昏闇亂也

嚚瘖

口不
道忠

信之言為嚚
瘖不能言者

焦僂

長三
官師所不材也

所不能
材用也

實裔土

裔荒裔也
國語晉語

齊師將興陳成子屬孤子

三日朝

屬會死事者之子使朝三日以
禮之哀二十七年左氏傳

晏子曰

春省耕而補不足秋省斂而助不給景公說大戒

於國出舍於郊於是始興發補不足

戒告命也出舍自責以省

民也興發發倉廩也孟子

醫師掌醫之政令聚毒藥以共醫事

毒藥藥之辛苦者藥之物恒多毒孟

子曰若藥不瞑眩厥疾不瘳

凡邦之有疾病者疢瘍者造焉則使醫

分而治之

疢頭瘍亦謂禿也身傷曰瘍分之者醫各有能

歲終則稽其醫事以

制其食十全為上十失一次之十失二次之十失三次

之十失四為下

食祿也全猶愈也以失四為下者五則半矣或不治自愈

疾醫掌

養萬民之疾病四時皆有癘疾春時有瘡首疾夏時有

痒疥疾秋時有瘡寒疾冬時有嗽上氣疾

癘疾氣不和之疾痛酸削

也首疾頭痛也嗽欬也上氣逆喘也五行傳曰六癘作見

以五味五穀五藥養其病

養猶治也病由氣勝負而生攻其羸養其不足者五味醢酒蝕蜜薑鹽之屬五穀麻黍稷麥豆五藥草木蟲石

穀也其治合之齊則存乎神農子儀之術云

以五氣五聲五色眠其死生

者

劇易之徵見於外者五氣五藏所出氣也肺氣熱心氣次之肝氣涼脾氣溫腎氣寒五聲言語宮商角徵羽也五色面貌青赤白黑黃也察其盈虛休

兩之以九竅之

變參之以九藏之動

兩參之者以觀其死生之驗竅之變謂開閉非常陽竅七陰竅二藏

之動謂脉至與不至正藏五藏又有胃膀胱大腸小腸脉之大候要在陽明寸口能專是者其唯秦和乎歧伯

榆柎則兼彼數術者凡民之有疾病者分而治之死終則各書其

所以而入於醫師

少者曰死老者曰終所以謂治之不愈之狀也醫師得以制其祿且為後

治之

瘍醫掌腫瘍潰瘍金瘍折瘍之祝藥副殺之齊

腫瘍癰而上生創者潰瘍癰而含膿血者金瘍刀創也折瘍踣跌者祝當為注讀如注病之注聲之誤也注謂附著藥副刮去膿血殺謂以藥食其惡肉凡療瘍以五毒攻之

治病曰療攻治也五毒五

藥之有毒者今醫方有五毒之藥作之合黃堊置石膽丹砂雄黃礬石慈石其中燒之三日夜其煙上著以雞

羽掃取之以注創以五氣養之以五藥療之以五味節

之既刮殺而攻盡其宿肉乃養之也凡藥以酸養骨以

五氣當為五穀節節成其藥之力

辛養筋以醎養脉以苦養氣以甘養肉以滑養竅

以類相養

也酸木味木根立地中似骨辛金味金之纏合異物似筋鹹水味水之流行地中似脉苦火味火出入無形似

氣甘土味土含載四者似肉滑滑石也凡諸滑物通利往來似竅

凡有瘍者受其藥焉

並天官

孟夏聚畜百藥

詳月令

左醫藥之政

蜡氏掌除骹

曲禮四足死者曰漬故書骹作脊鄭司農云脊讀為漬謂死人骨也月令曰掩骼埋

也及禽獸之骨皆是若有死於道路者則令埋而置梟

焉書其日月焉縣其衣服任器於有地之官以待其人

有地之官主此地之吏也其人其家人也鄭司農云楊
欲令其識取之今時揭藥是也有地之官有郡界之吏
今時鄉掌凡國之酖禁禁謂孟春掩骼埋孟春掩骼

埋胔

詳月令

右恤死之政

墓地不請

王制

大司徒以本俗六安萬民二曰族墳墓

五族為黨使之相葬

地官

墓大夫掌凡邦墓之地域為

之圖令國民族葬而掌其禁令正其位掌其度數使皆
有私地域凡爭墓地者聽其獄訟帥其屬而巡墓厲居

其中之室以守之

春官注並見士喪禮下

孟冬飭喪紀辨衣裳

審棺槨之厚薄塋丘壟之大小高卑厚薄之度貴賤之

等級

詳月令

右坟墓之政 管仲曰聖王治天下定民之居成

民之事陵為之終

以為葬也齊語

孔子初仕為中都

宰制為養生送死之節為四寸之棺五寸之槨因

丘陵為墳不封不樹

家語

夏小正九月內火主夫出火

大戴禮

司燿掌行火之政

令四時變國火以救時疾

行猶用也變猶易也鄭司農云以鄴子曰春取榆柳之火

夏取棗杏之火季夏取桑柘之火秋取柞櫛之火冬取槐檀之火

季春出火民咸從之

季秋內火民亦如之

火所以用陶冶民隨國而為之鄭人鑄刑書火星未出而火後有

災鄭司農云以三月本時昏心星見於辰上使民出火九月本黃昏心星伏在戌上使民內火故春秋傳曰以

出內時則施火令焚萊凡國失心野焚萊則有刑罰焉

野焚萊民擅放火夏官司烜氏中春以木鐸修火禁於國中

為季春將

出火也火禁謂用火之處及備風燥秋官

宮正春秋以木鐸修火禁

火

以春出以秋入因天時而以戒

天官

右火政 火正曰祝融

祝融明貌其祀犁馬

顓頊氏有子曰

犁為祝融

犁為火正昭二十九年左氏傳

宋災晉侯問於士

弱曰吾聞之宋災於是乎知有天道何故

問宋何故自知

天道對曰古之火正或食於心或食於味以出內

火是故味為鶉火心為大火

謂火正之官配食於火星建辰之月鶉火

星昏在南方則令民放火建戌之月大火星伏在日下夜不得見則令民內火禁放火

陶唐

氏之火正閼伯居商丘

陶唐堯有天下號閼伯高辛氏之子傳曰遷閼伯於

商丘主辰辰大火也今為宋星然則商丘在宋地

祀大火而火紀時焉

謂出

內火時

相土因之故商主大火

相土契孫商之祖也始代關伯之後居商

丘祀大火

商人閱其禍敗之釁必始於火是以日知其

有天道也

閱猶數也商人數所更歷恒多火災宋是殷商之後故知天道之災必火襄

九年左氏傳

三月鄭人鑄刑書士文伯曰火見鄭其

火乎

火心星周五月昏見

火未出而作火以鑄刑器

刑器鼎也藏

爭辟焉火如象之不火何為

象類也同氣相求火未出而用火相感而

致災

六月丙戌鄭災

終士文伯之言昭六年左氏傳

凌人掌冰正歲十有二月令斬冰三其凌

正歲季冬火星中大寒冰

方盛之時春秋傳曰火星中而寒暑退凌冰室也三之者為消釋度也故書正為政鄭司農云掌冰政主藏冰之政也杜子春讀掌冰為主冰也政當為正謂夏正三其凌三倍其冰

春始治鑑

鑑如甄大口以

盛冰置食物以禦溫氣春始治之為二月將獻羔而啓冰凡外內饗之膳羞鑑焉凡

酒漿之酒醴亦如之

酒醴見溫氣亦失味酒漿酒人漿人也

祭祀共冰鑑賓

容共冰

不以鑑往嫌使停膳羞

大喪共夷盤冰

夷之言尸也實冰於夷盤中置尸牀

之下所以寒尸尸之槃曰夷盤牀曰夷牀衾曰夷衾移尸曰夷於堂皆依尸而為言者也漢禮器制度大槃廣

八尺長丈二尺深三尺漆赤中

夏頒冰掌事

暑氣盛王以冰頒賜則主為之春秋傳曰古者日在

北陸而藏冰西秋刷納新冰玄謂秋涼冰不用可以清陸朝覲而出之

除其室
天官

季冬冰方盛水澤腹堅命取冰冰以入仲

春天子乃鮮羔開冰

並詳
月令

右冰政 二之日鑿冰冲冲三之日納于凌陰四

之日其蚤獻羔祭韭

鑿冰謂取冰于山也冲冲鑿冰之意周禮正歲十二月令

斬冰是也納藏也藏冰所以避暑也凌陰冰室也
曲土寒多正月風未解凍故冰猶可藏也蚤蚤朝

也韭菜名獻羔祭韭而後啓之月令仲春獻羔開
冰先薦饌廟是也蘓氏曰古者藏冰發冰以節陽

氣之盛夫陽氣之在天地譬如火之著于物也故
常有以解之十二月陽氣蘊伏涸而未發其盛在

下則納冰於地中至於二月四陽作蟄蟲起陽始
用事則亦始啓冰而廟薦之至於四月陽氣畢達

陰氣將絕則冰于是大發食肉之祿老病喪浴水無不及是以冬無愆陽夏無伏陰春無淒風秋無苦雨雷出不震無災霜電癘疾不降民不夭札也胡氏曰藏冰開冰亦聖人輔相調變之一事耳不專恃此以為治也 幽風七月 昭公四年大雨雹季武子問於

申豐曰雹可禦乎

禦止也申豐魯大夫

對曰聖人在上無雹

雖有不為災古者日在北陸而藏冰

陸道也謂夏十二月日在

虛危冰堅而藏之

西陸朝覲而出之

謂夏三月日在昴畢蟄蟲出而用水春分

之中奎星朝見東方

其藏冰也深山窮谷固陰沍寒於是乎

取之

沍閉也必取積陰之冰所以道達其氣使不為災

其出之也朝之祿

位賓食喪祭於是乎用之

言不獨共公

其藏之也黑牡

秬黍以享司寒

黑牡黑牲也秬黑黍也司寒玄冥北方之神故物皆用黑有事於冰

故祭其神

其出之也桃弧棘矢以除其災

桃弧棘箭所以禳除凶邪

將御至尊故

其出入也時食肉之祿冰皆與焉

食肉之祿謂在

朝廷治其職事就官食者

大夫命婦喪浴用冰

命婦大夫妻

祭寒而

藏之

享司寒

獻羔而啟之

謂二月春分獻羔祭韭始開冰室

公始用

之

公先用優尊

火出而畢賦

火星昏見東方謂三月四月中

自命夫命

婦至於老疾無不受冰

老致仕在家者

山人取之縣人傳

之

山人虞官
縣人遂屬

與人納之隸人藏之

與隸皆
賤官

夫冰以

風壯

冰因風
寒而堅

而以風出

順春風
而散用

其藏之也周

周密也

其用之也徧

及老疾

則冬無愆陽

愆過也
謂冬寒

夏無伏陰

伏陰謂
夏寒

春無淒風

淒寒也

秋無苦雨

霖雨為人
所患苦

雷出

不震

震震也

無災霜雹癘疾不降

癘惡氣也

民不夭札

短折也

為天夭
死為札

今藏川池之冰棄而不用

既不藏深山窮
谷之冰又火出

不畢賦有
餘則棄之

風不越而殺雷不發而震

越散也言陰
陽失序雷風

為害電之為災誰能禦之七月之卒章藏冰之道也

七月詩豳風卒章曰二之日鑿冰沖沖謂十二月鑿而取之三之日納於凌陰凌陰冰室也四之日

其蚤獻羔祭韭謂二月春分蚤開冰室以薦宗廟左傳

萍氏幾酒

苛察沽買過謹酒使民節用酒也書酒誥曰多及非時者謹酒有政有事無彛酒秋官

右酒政

王若曰明大命於妹邦

商受醢酒天下化之妹土商之

都邑其染惡尤甚武王以其地封康叔故作書誥教之妹土即詩所謂沫鄉篇首稱妹邦者誥命專為妹邦發也乃穆考文王肇國在西土厥誥毖庶邦庶

士越少正御事朝夕曰祀茲酒惟天降命肇我民

惟元祀

穆敬也詩曰穆穆文王是也或曰文王世次為穆亦通曉戒謹也少正官之副貳也

文王朝夕勅戒之曰惟祭祀則用此酒天始令民
作酒者為大祭祀而已西土庶邦遠去商邑文王
誥毖亦諄諄以酒為戒則商邑可知
矣文王為西伯故得誥毖庶邦云

天降威我民

用大亂喪德亦罔非酒惟行越小大邦用喪亦罔

非酒惟辜

酒之禍人也而以為天降威者禍亂之
成是亦天爾箕子言受酖酒亦曰天毒

降災正此意也民之喪德君之喪邦
皆由於酒喪德故言行喪邦故言辜
文王誥教小

子有正有事無彛酒越庶國飲惟祀德將無醉小

少子之稱以其血氣未定尤易縱酒喪德故文王
專誥教之有正有官守者有事有職業者無母同
羹常也母常於酒其飲惟于祭祀之
時然亦必以德將之無至于醉也
惟曰我民迪

小子惟土物愛厥心臧聰聰祖考之彛訓越小大

德小子惟一

文王言我民亦常訓導其子孫惟土物之愛勤稼穡服田畝無外慕則心

之所守者正而善日生為子孫者亦當聰聰其祖父之常訓不可以謹酒為小德小德大德小子惟一視之

妹土嗣爾股肱純其藝黍稷奔走事厥考

厥長肇牽車牛遠服賈用孝養厥父母厥父母慶

自洗腆致用酒

此武王教妹土之民也嗣續純大肇敏服事也言妹土民當嗣續汝

四肢之力無有怠惰大修農功服勞田畝奔走以事其父兄或敏於貿易牽車牛遠事賈以孝養其父母父母喜慶然後可自洗腆致

用酒洗以致其潔腆以致其厚也

庶士有正越庶

伯君子其爾典聽朕教爾大克羞者惟君爾乃飲
食醉飽不惟曰爾克永觀省作稽中德爾尚克羞
饋祀爾乃自介用逸茲乃永惟王正事之臣茲亦

惟天若元德永不忘在王家

此武王教妹土之臣也伯長也曰君子者

賢之也典常也羞養也言其大能養老也惟君未詳至惟曰大言也介助也用逸者用以宴樂也言爾能常常反觀內省使念慮之發營為之際悲稽乎中正之德而無過不及之差則德全於身而可以交於神明矣如是則庶幾能進饋祀爾亦可自副而用宴樂也如此則信為王治事之臣如此亦惟天順元德而永不忘在王家矣按上文父母慶則可飲酒克羞者則可飲酒羞饋祀則可飲酒本

欲禁絕其飲今乃反開其端者不禁之禁也聖人之教不迫而民徙者此也孝養羞者饋祀皆因其良心之發而利導之人果能盡此三者且為成德之士矣而何憂其酒也哉

王曰封我

西土桀祖邦君御事小子尚克用文王教不腆于

酒故我至于今克受殷之命

祖往也輔佐文王往日之邦君御事小子

也言文王嚳酒之教其大如此

王曰封我聞惟曰在昔殷先哲王

迪畏天顯小民經德秉哲自成湯咸至于帝乙成

王畏相惟御事厥桀有恭不敢自暇自逸矧曰其

敢崇飲

以商君臣之不暇逸者告康叔也殷先哲王湯也迪畏者畏之而見於行也畏天之

明命畏小民之難保經其德而不變所以處己也秉其哲而不惑所以用人也湯之垂統如此故自湯至於帝乙賢聖之君六七作雖世代不同而皆能成就君德敬畏輔相故當時御事之臣亦皆盡忠輔翼而有責難之恭自暇自逸猶且不敢況曰其敢尚飲乎越在外服侯甸男

衛邦伯越在內服百僚庶尹惟亞惟服宗工越百姓里居罔敢湏于酒不惟不敢亦不暇惟助成王

德顯越尹人祗辟

自御事而下在外服則有侯甸男衛諸侯與其長伯在內服則

有百僚庶尹惟亞惟服宗工國中百姓與夫里居者亦皆不敢沈湏于酒不惟不敢亦不暇不敢者有所畏不暇者有所勉惟欲上以助成君德而使之昭著下以助尹人祗辟而使之益不怠耳成王

顧上文成王而言祇辟顧上文有恭而言呂氏
曰尹人者百官諸侯之長也指上文御事而言我

聞亦惟曰在今後嗣王酣身厥命罔顯于民祇保
越怨不易誕惟厥縱淫佚于非彝用燕喪威儀民
罔不盡傷心惟荒腆于酒不惟自息乃逸厥心疾
很不克畏死辜在商邑越殷國滅無罹弗惟德馨
香祀登聞於天誕惟民怨庶羣自酒腥聞在上故
天降喪於殷罔愛於殷惟逸天非虐惟民自速辜

以商受荒腆于酒者告康叔也後嗣王受也受沈
酣其身昏迷于政命令不著于民其所祇保者惟

在于作怨之事不肯悛改大惟縱淫佚于非彛泰
誓所謂奇技淫巧也燕安也用安逸而喪其威儀
史記受為酒池肉林使男女裸而相逐其威儀之
喪如此此民所以無不痛傷其心悼國之將亡也
而受方且荒怠益厚于酒不思自息其逸力行無
度其心疾狠雖殺身而不畏也辜在商邑雖滅國
而不憂也弗事上帝無馨香之德以格天大惟民
怨惟群酗醒穢之德以聞于上故上天降喪於殷
無有眷愛之意者亦惟受縱逸故也天豈虐殷惟
殷人酗酒自速其辜爾曰民者猶曰先民君臣之
通稱也王曰封予不惟若茲多誥古人有言曰人無

于水監當于民監今惟殷墜厥命我其可不夫監

撫於時

我不惟如此多言所以言湯言受如此其
詳者古人謂人無于水監水能監人之妍

醜而已當于民監則其得失可知今殷民自速辜既墜厥命矣我其可不以殷民之失為大監戒以撫安斯予惟曰汝劼毖殷獻臣侯甸男衛矧太史時乎

友內史友越獻臣百宗工矧惟爾事服休服采矧

惟若疇圻父薄違農父若保宏父定辟矧汝剛制

于酒

劾用力也汝當用力戒謹殷之賢臣與鄰國之侯甸男衛使之不汨于酒也陸殷獻臣侯

向男衛與文王蒞庶邦御士同義殷之賢臣諸侯固欲知所謹矣況太史掌六典八法八則內史掌八柄之法汝之所友者及其賢臣百僚大臣可不謹于酒乎太史內史獻臣百宗工固欲知所謹矣況爾之所事服休坐而論道之臣服采起而作事之臣可不謹於酒乎曰友曰事者國君有所友有

所事也。然威德有不可友者。故孟子曰：古之人曰：事之云乎？豈曰友之云乎？服休服采，固欲知所謹矣。況爾之疇匹而位三卿者，若圻父迫逐違命者乎？若農父之順保萬民者乎？若宏父之制其經界以定法者乎？皆不可不謹於酒也。圻父政官司馬也，主封圻；農父教官司徒也，主農；宏父事官司空也，主廓地；居民謂之父者，尊之也。先言圻父者，制殷人酒，酒以政為急也。圻父農父宏父固欲知所謹矣。況汝之身所以為一國之視做者，可不謹於酒乎？故曰：矧汝剛制于酒，剛制亦飭監之意。剛果用力以制之也。此章自遠而近，自卑而尊等而上之，則欲其自康叔之身始，以是為治，孰能禦之而德也哉。

厥或誥曰：羣飲，汝勿佚，盡執拘以歸于

周予其殺

羣飲者，商民羣聚而飲為姦惡者也。佚失也。其者，未定辭也。蘇氏曰：予其殺者，

未必殺也猶今法曰當斬者皆具獄以待命不必死也然必立法者欲人畏而不敢犯也羣飲蓋亦當時之法有羣聚飲酒謀為大姦者其詳不可得而聞矣如今之法有曰夜聚曉散者皆死罪蓋聚而為妖逆者也使後世不知其詳而徒聞其名凡民夜相過者輒殺之可乎又惟殷之

迪諸臣惟工乃酒于酒勿庸殺之姑惟教之

殷受導迪

為惡之諸臣百工雖酒于酒未能遽革而有斯明非羣聚為姦惡者無庸殺之且惟教之

享乃不用我教辭惟我一人弗恤弗蠲乃事時同

于殺

有者不忘之也斯此也指教辭而言享上享下之享言殷諸臣百工不忘教辭不酒于酒

我則明享之其不用我教辭惟我一人不恤于汝弗潔汝事時則同汝於羣飲誅殺之罪矣王

曰封汝典聽朕訟勿辯乃司民灑于酒

辨治也乃司有司也

即上文諸臣百工之類言康叔不治其諸臣百工之灑酒則民之灑酒者不可禁矣

酒誥

帝曰疇若予上下草木鳥獸兪曰益哉帝曰兪咨益汝

作朕虞益拜稽首讓於朱虎熊羆帝曰兪往哉汝諧

上

山林澤藪也虞掌山澤之官周禮分為虞衡屬於地官朱虎熊羆四臣名也

舜典

大宰以九

職任萬民二曰圉圉毓草木三曰虞衡作山澤之材四

曰藪牧養蕃鳥獸

詳上篇

山虞掌山林之政令物為之

厲而為之守禁

物為之厲每物有蕃界也為之守禁為守者設禁令也守者謂其地之民占伐

林木者也鄭司農云屬遮列守之

仲冬斬陽木仲夏斬陰木

鄭司農云陽木春夏

生者陰木秋冬生者若松柏之屬玄謂陽木生山南者陰木生山北者冬斬陽夏斬陰堅濡調

凡服耜

斬季材以時入之

季猶穉也服與耜宜用穉材尚柔刃也服北服車之材

令萬民

時斬材有期日

時斬材斬材之時也有期日入出有日數為久盡物

凡邦工入山

林而掄材不禁

掄猶擇也不禁者山林國之有不拘入也

春秋之斬木不入

禁

非久夏之時不得入所禁之中斬木也斬四野之木可

凡竊木者有刑罰

竊盜也

林衡掌巡林麓之禁令而平其守

平其守者平其地之民守林麓之部

分

以時計林麓而賞罰之

計林麓者計其守之功也林麓蕃茂民不盜竊則有賞不

則罰之

若斬木材則受法於山虞而掌其政令

法萬民入出時日之期

川衡掌巡川澤之禁令而平其守以時舍其守犯禁者

執而誅罰之

舍其守者時按視守者於其舍申戒之

澤虞掌國澤之政令

為之厲禁使其地之人守其財物以時入之於玉府頒其

餘於萬民

其地之人占取澤物者因以部分使守之以時入之於玉府謂皮革珠貝也入之以當邦賦然

後得取其餘以自為也入出亦有時日之期並地官

獸人掌畧田獸辨其名

物

畧網也以網搏所當田之獸

冬獻狼夏獻麋春秋獻獸物

狼膏聚麋膏散

聚則溫散則涼以救時之苦也獸物凡獸皆可獻也及狐狸

凡獸入於腊人

當乾之

皮

毛筋角入於王府

給作器物

凡田獸者掌其政令

獻人掌

以時獻為梁

月令季冬命漁師為梁鄭司農云梁水偃也偃水為闕空以筍承其空詩云徹筍在

梁春獻王鮪

王鮪鮪之大者月令季春薦鮪于寢廟

凡獻者掌其政令凡

獻征入於王府

鄭司農云獻征漁者之租稅漁人主收之入于王府

鼈人掌取

互物

鄭司農云互物謂有甲滿胡龜鼈之屬

以時簠魚鼈龜蜃凡貍物

蜃大

蛤鄭司農云簠謂以杈刺泥中搏取之貍物龜鼈之屬自貍藏伏于泥中者玄謂貍物亦謂鱖刀含漿之屬

春獻鼈蜃秋獻龜魚

此其在淺處可得之時魚亦謂自貍藏

掌凡邦之簠

事獸醫掌療獸病療獸瘍

畜獸之疾病及瘍療同醫

凡療獸病灌

而行之以節之以動其氣觀其所發而養之

療畜獸必灌行之者

為其病狀難知灌以緩之且強其氣也節趨聚之節也氣謂脈氣既行之乃以脈視之以知所病

凡療

獸瘍灌而耐之以發其惡然後藥之養之食之

亦先攻之而後

養凡獸之有病者有瘍者使療之死則計其數以進退

之並天

迹人禁麇卵者與其毒矢射者

為其大物且害必多也麇

康鹿

子

圉人掌圉游之獸禁

圉游圉之離宮小苑觀處也養獸以宴樂視之禁者

其蕃衛也鄭司農云牧百獸

備養衆物也今掖庭有鳥獸自能虎孔雀至於狐狸

鳥鶴

場人掌國之場圃而樹之果蓏珍異之物以時

備馬

斂而藏之

果棗李之屬
蔴瓜瓠之屬
珍異蒲萄枇杷之屬
並地官

服不氏掌養

猛獸而教擾之

猛獸虎豹熊羆之屬
擾馴也
教習使之馴服王者之教無不服

射鳥

氏掌射鳥

鳥謂中膳羞者
鳧雁鵠鴝之屬

羅氏掌羅鳥

鳥謂卑居
鵠之屬

蜡則作羅襦

作猶用也
鄭司農云蜡謂十二月大祭萬物也
郊特牲曰天子大蜡謂歲十二月合

聚萬物而索饗之
襦細密之羅
襦讀為縐有衣袷之縐
玄謂蜡建亥之月此時火伏蟄者畢矣
豺既祭獸可以

羅網圍取禽也
王制曰豺祭獸然後田又曰
昆蟲已蟄可以火田今俗放火張羅其遺教

中春羅春

鳥獻鳩以養國老行羽物

春鳥蟄而始出者若今南郡
黃雀之屬是時鷹化為鳩鳩

與春鳥變舊為新宜以
養老助生氣行謂賦賜

掌畜掌養鳥而阜蕃教擾之

阜猶盛也蓄蓄息也鳥之可養使盛大蓄息者謂鷩鷩之屬

歲時貢鳥物

鷩鷩之屬以四時來

夏官並

閩隸掌役畜養鳥而阜蕃教擾之掌子則取隸

馬杜子春云子當為祀立謂掌子者王立世子置臣使掌其家事而以閩隸役之按王氏云子謂鳥所生

也

夷隸掌役牧人養牛馬與鳥言

鄭司農云夷狄之人或曉鳥獸之言

故春秋傳曰介葛盧聞牛鳴曰是生三犧皆用之矣

貉隸掌役服不氏而養獸

而教擾之掌與獸言

不言阜蕃者猛獸不可服又不生乳于園檻也

雍氏禁山

之為苑澤之沈者

為其就禽獸魚鼈自然之居而害之鄭司農云不得擅為苑囿於山也澤

之沉者謂毒魚及水蟲之屬

萍氏掌國之水禁

水禁謂水中害人之處及入水捕魚

鼃不
時

冥氏掌設弧張

弧張置罟之屬所以爲網禽獸

爲阱獲以攻猛

獸以靈鼓毆之

靈鼓六面鼓毆之使驚趨阱獲

若得其獸則獻其皮草

齒須備

鄭司農云須謂頤下須備謂搔也

庶氏掌除毒蠱以攻說瘡

之嘉草攻之

毒蠱毒物而病害人者賊律曰敢蠱人及教令者棄市攻說祈名祈其神求去之也

嘉草藥物其狀未聞攻之謂燠之鄭司農云禴除也玄謂此禴謂如潰癰之潰凡毆蠱則令之

比之

使爲之又校次之

穴氏掌攻螫獸各以其物火之

螫獸熊羆

之屬冬藏者也將攻之必先燒其所以時獻其珍異皮食之物於穴外以誘出之乃可得之

草翼氏掌攻猛鳥各以其物爲媒而掎之

猛鳥鷹隼之屬置其

所食之物於絹中
鳥下來則倚其脚以時獻其羽翮
柞氏掌攻草木及

林麓

林人所養者
山足曰麓

夏日至令刊陽木而火之冬日至令

剝陰木而水之

刊剝互言耳皆謂斫去次地之皮生山
南為陽木生山北為陰木火之水之則

使其肆
不生

若欲其化也則春秋變其水火

化猶生也謂時
以種穀也變其

水火者乃所火則水之所
水則火之則其土和美

凡攻木者掌其政令

除木
有時

蒯氏掌殺草春始生而萌之夏日至而夷之秋繩而芟

之冬日至而耜之

故書萌作薨杜子春云薨當為萌謂
耕反其萌芽書亦或為萌玄謂萌之

者以鋤基斫所生者夷之以鉤鋤迫地芟之也若今取
芟矣舍實曰繩芟其繩則實不成熟耜之以耜側凍土

刻若欲其化也則以水火變之

謂以火燒其所芟萌之草已而水之則其土亦

和美矣月令季夏燒薤行水利以殺草如以熱湯是其一時著之

掌凡殺草之政令

若蕢氏掌覆天鳥之巢

覆猶毀也天鳥惡鳴之鳥若鷦鷯

以方書十日

之號十有二辰之號十有二月之號十有二歲之號二

十有八星之號縣其巢上則去之

方版也日謂從甲至癸辰謂從子至亥月

謂從姤至荼歲謂從攝提格至赤奮若星謂從角至軫天鳥見此五者而去其詳未聞

翦氏掌除

蠹物以攻榮攻之以莽草熏之

蠹物穿食人器物者蠹魚亦是也攻榮祈名莽

草藥物殺蟲者以熏之則死故書蠹為索杜子春云索當為蠹

凡庶蠱之事

庶除蟲毒者蠹亦蠹

之類也或熏以莽草則去

赤友氏掌除墻屋以蜃炭攻之灰洒毒

之洒灑也除墻屋者除蟲豸藏逃其中者蜃大蛤也擣其灰以粉之則走淳灰以灑之則死故書蜃為晨鄭

司農云晨當為蜃書亦或為蜃

凡隙屋除其狸蟲

狸蟲塵肌

蜃氏掌

去鼃黽焚牡菊以灰洒之則死

牡菊菊不華者齊魯之間謂鼃為蜃黽取黽也

蜃與耿黽尤怒鳴為聒人耳去之

以其煙被之則凡水蟲無聲

杜子春云假令

風從東方來則於水東面為煙令煙西行被之水上

壺涿氏掌除水蟲以炮土

之鼓毆之以焚石投之

水蟲狐蟻之屬故書炮作泡杜子春讀炮為芑有芑葉之芑玄

謂墻之炮之炮土之鼓瓦鼓也焚石投之使驚去

若欲殺其神則以牡槀午貫

象齒而沈之則其神死淵為陵

神謂水神龍罔象故書
棒為梓午為五杜子春

云梓當為棒棒讀為拈拈榆木
名或為棒又云五貫當為午貫

庭氏掌射國中之天

鳥若不見其鳥獸則以救日之弓與救月之矢射之

不見

鳥獸謂夜來鳴呼為怪者獸狐狼之屬鄭司農云救日
之弓救月之矢謂日月食所作弓矢玄謂日月之食陰
陽相勝之變也於日食則射大陽與若神也則以大陰之弓與枉

矢射之

神謂非鳥獸之聲若或叫于宋太廟謠謠出出
者大陰之弓救月之弓枉矢救日之矢與不言

救月之弓與救日之矢者互言之救日用
枉矢則救月以恒矢可知也並秋官

獺祭魚然

後虞人入澤梁豺祭獸然後田獵鳩化為鷹然後設罝

羅草木零落然後入山林昆蟲未蟄不以火田

取物必順時候

也梁絕水取魚者罾小網也昆明也明蟲者得陽而生得陰而藏

不麝不卵不殺胎不

殀天

重陽未成物殀斷殺少長曰天

不覆巢

覆敗也王制

孟春命祀山林

川澤犧牲毋用牝禁止伐木毋覆巢毋殺孩蟲胎夭飛

鳥毋麝毋卵

仲春安萌芽養幼少存諸孤毋竭川澤

毋漉波池毋焚山林

季春生氣方盛陽氣發泄句者

畢出萌者盡達不可以內田獵宜罾羅網畢翳餽獸之

藥毋出九門

孟夏毋伐大樹毋大田獵

季夏命漁

師伐蛟取鼉登龜取黿樹木方盛命虞人入山行木毋

有斬伐 季秋草木黃落乃伐薪為炭 仲冬山林藪

澤有能取蔬食田獵禽獸者野虞教道之其有相侵奪

者罪之不赦 季冬命漁師始漁

並詳月令

路馬死埋之

以帷

路馬君所乘者其他狗馬不能以帷蓋 檀弓

右草木禽獸之政 文王之治岐也澤梁無禁

澤謂

諸水梁謂漁梁與民同利不設禁也 孟子

莊公二十八年冬築微

魯邑 山林藪澤之利所以與民共也虞之非正也

虞典禽獸之官言規固而築之又置官司以守之
是不與民同利也穀梁傳成十八年築鹿園

傳同注云築牆
為鹿地之苑

宣公夏濫於泗淵濫漬也漬畧於泗水之淵

以取魚也泗在魯城北又曰在南門

里革斷其罟而棄之罟網也曰古

者大寒降土蟄發

降下也寒氣初下謂季冬建丑之月大寒之後也土蟄發謂孟

春建寅之月蟄始震也月令孟春蟄蟲始震魚上冰獺祭魚

水虞於是乎講眾

畱取名魚登川禽而嘗之寢廟行諸國人助宣氣

也水虞渙師也掌川澤之禁令講習也眾漁網也畱筍也名漁大魚也川禽鼈蜃之屬諸之也是

時陽氣起魚涉負冰故令國人取之所以助宣氣也月令季冬始漁乃嘗魚先薦寢廟唐云孟春誤

矣鳥獸孕水蟲成此謂春時獸虞於是乎禁罝羅

罔魚鼈以為夏槁

獸虞掌鳥獸之禁令罝罔罟網鳥罟也禁禁不得施也罔罔也

槁乾也夏不得取故於此時罔刺魚鼈以為夏儲

助生阜也

阜長也鳥獸方孕故取魚

鼈助生物也

鳥獸成水蟲孕水虞於是乎禁罝罟設罝

罟

罟當為罝罝麗小網也罟作格所以誤獸也謂立夏鳥獸已成水蟲懷孕之時禁魚鼈之網設

取獸之物也

以實廟庖畜功用也

以獸實宗廟庖厨也而長魚鼈畜四時功

足國財用也

且夫山不槎蘖

槎斫也

澤不伐天

草木未成

曰魚禁鯢鰔

鯢魚子也鰔未成魚也

獸長麇麇

鹿子曰麇麇子曰麇鳥

翼蔽卵

翼成也生哺曰
殼未乳曰卵

蟲舍蛭蟪

蛭蟪子也可以
為醢蟪蝠蟪也

可食舍
不取也

蕃庶物也古之訓也

蕃息也

今魚方別孕不

教魚長又行網罟貪無藝也

別別於雄而懷子也
藝極也國語魯語

定公以孔子為司空乃別五土之性而物各得

其所生之宜咸得厥所

家語

晏子曰山林之木衡

鹿守之澤之萑蒲舟鮫守之藪之薪蒸虞侯守之

海之鹽蜃祈望守之

衡鹿舟鮫虞侯祈望皆官名
也言公專守山澤之利不與

民共昭二
十年左氏傳

孟子曰不違農時穀不可勝食也

數罟不入洿池魚鼈不可勝食也斧斤以時入山林材木不可勝用也穀與魚鼈不可勝食材木不可勝用是使民養生喪死無憾也養生喪死無憾

王道之始也

農時謂春耕夏耘秋收之時凡有興作不違此時至冬乃役之也不可勝

食言多也數罟也罟網也洿窪下之地水所聚也古者網罟必用四寸之目魚不滿尺市不得鬻人不得食山林川澤與民共之而有厲禁草木零落然後斧斤入焉此皆為治之初法制未備且因天地自然之利而樽節愛養之事也然飲食宮室所以養生祭祀棺槨所以送死皆民所急而不可無者今皆有以資之則人無所恨矣王道以

得民心為本故以此為王道之始

孟子

禮聖

主之於禽獸也見其生不食其死聞其聲不嘗其
肉隱弗忍也故遠庖厨仁之至也不合園不掩羣
不射宿不涸澤豺不祭獸不田獵獺不祭魚不設
網罟鷹隼不鷙睦而不逮不出穎羅草木不零落
斧斤不入山林昆蟲不蟄不以火田不麝不卵不
剝胎不夭魚肉不入廟門鳥獸不成毫毛不登庖
厨取之有時用之有節則物莫不多 詩曰王在
靈囿麀鹿攸伏麀鹿濯濯白鳥鵲鵲王在靈沼於

仞魚躍言德志也聖主所以在魚鼈禽獸猶得其
心況於人民乎故仁人行其禮則天下安而萬理
得矣逮至德渥澤洽調和大暢則天清澈地富煖
物時熟民心不挾詐賊氣脉淳化攫齧搏繫之獸
鮮毒蠱猛虻之蟲密毒山不蕃草木少薄矣鑠乎

大仁之化也

並賈誼
新書

重門擊柝以待暴客盖取諸豫

豫備之意
繫辭傳

司寤氏掌

夜時以星分夜以詔夜士夜禁

夜時謂夜晚早若今甲
乙至戌夜士主行夜微

候者如今
都候之屬

禦晨行者禁宵行者夜遊者

備其遭寇害及
謀非公事禦亦

禁也謂遏止之無刑法也晨先明也宵定昏也書
曰宵中星虛春秋傳曰夜中星隕如雨

脩

閭氏掌比國中宿互櫟者與其國粥而比其追胥者而

賞罰之

國中城中也粥養也國所遊養謂羨卒也追逐
寇也胥讀為脩故書互為巨鄭司農云宿謂宿

衛也巨當為互謂行馬所以障
互禁止人也櫟謂夜行擊櫟

禁徑逾者與以兵草趨

行者與馳騁於國中者

皆為其
惑衆

銜枚氏掌司嚙

察詘
難者

為其聒亂在
朝者之言語禁詔呼歎鳴於國中者行歌哭於國中之

道者

為其惑衆相
感動鳴吟也

野廬氏禁野之橫行徑踰者

皆為
防姦

也橫行妄繇田中徑逾射邪趨疾越隄渠也

萍氏禁川遊者

備波洋卒至沈溺也並

秋官

媒氏禁遷葬者與嫁殤者

遷葬謂生時非夫婦死既葬遷之使相從也殤

十九已下未嫁而死者生不以禮相接死而合之是亦亂人倫者也鄭司農云嫁殤者謂嫁死人也今時娶會

是也地官

馬質禁原蠶者

原再也天文辰為馬蠶書蠶為龍精月直大火則浴其種

是蠶與馬同氣物莫能兩大禁原蠶者為傷馬與夏官

朝士凡得獲貨賄人民

六畜者委於朝告於士旬而舉之大者公之小者庶民

私之

俘而取之曰獲委於朝十日待來識之者人民謂刑人奴隸逃亡者鄭司農云若今時得遺物及放

失六畜持諸鄉亭縣庭大者公之大物沒入公家也小者私之小物自畀也玄謂人民之小者未凱七歲以下

凡民同貨財者令以國漙行之犯令者刑罰之

鄭司農云同貨

財者謂合錢共賈者也以國法行之司市為節以遺之
玄謂同貨財者富人蓄積者多時收斂之乏時以國服
之法出之雖有騰躍其贏不得過此以利出者與取
者過此則罰之若令時加貴取息坐贓並秋官

右雜禁令

禮書綱目卷六十三